

НАЗАР ЭШОНҚУЛ

МОМОҚҮШИҚ

ҚИССА

© «Шарқ» нашриёт-матбаа акциядорлик компанияси
Бош таҳририяти, 2008.

МОМОҚЎШИҚ

I

Бутун бригада сўнгти уч кун ҳашарчиларга жой ҳозирлаш билан овора бўлди: ҳар қалай, маданият ходимлари, яна бирон кори ҳол юз бермасин, бизни маданиятсиз, деб кетишмасин деган истиҳола билан шийпонни обдон оқлашди, ёғоч карт ўрнига симтўшаклар ўрнатишиди, шийпон олдидаги ўт-ўланларни ўриб олишди, дараҳтларни буташди, қип-қизил матоға нима учун зарурлигини ўzlари ҳам тушунмай: «Хуш келибсиз, ҳашарчилар», «Оқ, олтиннинг бир мисқоли ҳам ерда қолмасин» деб ёзилган турли щиорлар илиб қўйишиди. Қудуқларни тозалашди, атрофини қора қофоз билан ўрашиб, кичкина омборхона қуришиди — ҳамма ишни қунт ва иштиёқ билан берилиб бажаришиди. Чунки юқоридан бу йил шийпонга маданият вазирлигининг ходимлари келиши мумкинлиги ва шунга яраша тайёргарлик қўриш кераклиги ҳақида жуда ҳам эҳтиёткорона хабар келган эди. Сунбула ойининг энди икки ҳафтаси ўтганига қарамай, ҳашарчилар бу йил эрта кела бошлаганди.

Нихоят жума куни пешиндан кейин бўлимга қарашли далаларга олиб келадиган ягона тупроқ йўлда пешоналарига байроқ қадалган тошбақага ўхшаш уч автобус кўринди: муюлишдаги йўлдан то шийпонга келгунча автобуслар уч-тўрт марта тантанали бифиллаб қўйди; бирпасда ҳаммаёқ остин-устун бўлиб кетди— совхоз марказидан самовор ва қозон ташлаб кетишиди: ҳашардан кўра кўрикка келишгандай жуда ясан-тусун қилиб олган ҳашарчилар автобус тўхташи билан атрофга ёйилган чанг-чунгини кух-кухлаб ўзларини шийпонга уришиди — улар юзга яқин ёш-яланглар ва турли ёшдаги аёлу эркаклар эди — улар гўё ўzlари билан бу сокин чўл қўйнига шаҳарнинг сершовқин ва бетартиб ҳаётини ҳам бирга олиб келгандай эдилар — шийпон тевараги ингичка, йўон, ширали, ширасиз, нозли, ишвадор, хирилдоқ, совуқ, ҳиринглаган, чариллаган, ийғламсираган, кулинқираган, босинқираган, ҳадиксираган, чўчинқираган турли овозларга тўлди. Ҳашарчиларнинг орасида пахтага биринчи бор келгандлари ҳам бор эди — улар шийпонни, остин-устун

қилиб қурилган симтўшакларни, кўчиб ётган шифтни, дераза ўрнига қора коғоз қоқилган қоронги хонани кўриб, бир оз эсанкираб, шийпонга кираверишда тўхтаб қолишидди, норози бўлиб, бир-бирига ва бошқаларга қарашибди, бироқ ўзларига боп жойларни танлаётган ҳамроҳларига қараб туриб, тақдирга тан бергандай, умумий қий-чувга қўшилиб кетишидди.

Баъзи ҳашарчиларнинг кўзларида тўсатдан қуюқ ўрмонга келиб қолган болаларнинг юзларидағи ҳайратдек бир оз ажабланиш акс этиб туради. Улар автобусдан тушишлари билан яқин атрофдаги чайлалардан болалар ҳам югуриб келишган, энди улар бу ажабтовур ва ўзларининг ота-оналарига аллақаерлари ўхшаб, аллақаерлари ўхшамайдиган одамларни қизиқсиниб томоша қилиб туришарди, — томошага келгантар ичида бетон ариқда ёшгина тойхарчасини боғлаб қўйган қоп-қора, тўққиз ёшлардаги бола ҳам бор эди, у тинмай бурнини тортар, тойхарига қоп-қора тирсаклари билан суюниб, ҳашарчиларга жуда қизиқсиниб қараб туради; — икки-учта ёши каттароқ болалар эса токи шийпон олдигача бостириб келишган, ўзларича сир бой бергилари келмай ёки ўзларига қарашли жойларга ҳамиша бегоналар келса, маҳаллий болалар ўзларини қандай тутса, шундай тутишиб, «кўп шовқин-сурон қилаверманглар, бу ернинг хўжайнлари биз, бу ерлар бизнинг ерлар» дейишаётгандай гўдайиб туришарди; уларнинг чангта, доғ-дуғга беланганд кийимлари ва пўсти кўчиб қолган юз терлари, афтидан, фаррош бўлса керак, битта аёлнинг эътиборини ўзига тортди: у шийпонга кираверишда турган иккита болага тўрхалтасидан иккита пепсиcola чиқариб берди. Болалар, аввал, хижолат бўлиб туришиб-ю, кейин аёлнинг юмшоқ овози таъсир қилдими, шишаларни олиб, мақтаниш учун нарироқда тўпланиб турган уч-тўрт боланинг олдига югуриб кетишидди, — қолган болалар сал наридан кузатиб турадилар, уларнинг ичида ёшгина, чит кўйлак кийган иккита қизча ҳам бор эди. Ҳашарчиларнинг турли касб эгалари эканлиги кўриниб туради — баъзилари жуда бежирим кийинишган, бошқалари худди кинолардаги қароқчилардек кенг соябонли шляпа, тор юпка ва елкасига ҳар хил шокилалар солинган камзуллар, курткалар кийиб олишганди, қиз-жуvonларнинг кўзи пишиб қол-

ганлари автобусдан туша солиб, пахта теришга тушиб кетадигандек далага мос анчайин одми кийимларда эди.

Ҳашарчилар орасида попукдеккина котиба қизлар күпчиликни ташкил қиласы — улар чуркун шохшаббалар ичида очилган бир даста лолалардек күпдан бери гўзал ва чиройли нарсаларни кўрмаган анчайин бесаришта шиййонга ўзгача чирой ва малоҳат бағишлаб юборгандилар. Котибалардан ташқари фаррош аёллар, буфет хизматчилари, баъзи бўлим ходимлари, театр артистлари, турли ансамбль қатнашчилари, битта тепакал драматург ва театрга адабий эмақдош бўлган, кейинги пайтларда «ёш, иқтидорли» деб тан олина бошлигар Шамси Салоҳ деган, андак кеккайган, далада, айниқса, яққол кўзга ташланадиган узун, жингалак соч қўйган, ҳатто шу социданоқ, иқтидорлилигини биллиб олса бўладиган бир ёзувчи ҳам бор эди: уни бу ерга келишга ҳеч ким мажбур қилмаганди, у ўз хоҳиши билан, эътироф этишича, «халқ ҳәётини ўрганиш» учун келган эди. Унинг бу ерда пайдо бўлиши ҳали эрга тегмаган баъзи хонанда ва ўйинчи қизларнинг эътиборини бирдан ўзига торти: у ҳақда адабий гурӯхларда илиқ гаплар юради: Москвада ўқиган, уйланмаган (тўғри, баъзи ичиқоралар пана-панада қишлоқда хотини ва боласи бор дейишарди, лекин бунга унчалик ишониб бўлмасди — у қишлоққа жуда кам борар, шунда ҳам икки кун турмай қайтиб келарди — уйланган бўлиши сира мумкин эмас эди, чунки шу кунларда унинг фалончи шоира билан муносабатлари жуда яхши, шу йил тўй ҳам бўлиб қолиши эҳтимолдан холи эмаслигини башорат қилишарди, иккинчидан эса у давраларда ҳали-бери уйланмоқчи эмаслигини, эркинлик ва ҳурлиknи севишини жуда камтарлик билан маълум қиласди), эндиғина ўттизга кирганига қарамай учта китоб чиқаришга ултурган, адабий оламни ўзига маҳлиё қилиб қўйган «ёш даҳо»лардан эди, ўзи эса хушмуомила, сертакаллуф, нозик дид эди — бу фазилатлар унинг зоҳирий кўринишига жуда мос тушарди — гўё хушмуомилалик ва сертакаллуфлик айнан шу одам учун яратилгандай эди, бундан ташқари муқаррар рўёбгá чиқажак башоратнинг камтарин ифодаси бўлган унинг жарангдор тахаллуси ҳам ўзига шохнинг бошидаги тоҷдай ярашиб турарди. Бу ёзувчидан ташқари ҳашарчилар орасида вазирликка қарашли га-

зетанинг иккита мухбири, дурадгорлар, рассомлар, вазирликнинг хўжалик ишлари бўйича мудири ҳам бор эди. Хуллас, барчаси маданият ходимлари деса дегулик келбатда эдилар.

Уларнинг юзидағи салобатни ва аёлларнинг юзидағи малоҳатни кўриб бир оз довдираб қолган чеҳраси иссиққина барваста бригадир йигит оёғи куйган то-вукдай бесаранжом эди. Унинг юзида тўсатдан мўътабар меҳмонлар бостириб келганда тўзиб ётган уйининг ўртасида гангид, каловланиб қолган мезондек ҳолат кечинар эди. У гоҳ ҳашарчиларнинг хўжалик мудири билан ниманидир келишар, гоҳ нарироқда пахта териб юрган хотин-халажларнинг олдига бориб келар, гоҳ баҳмалдек чанг ўрнашиб қолган эски мотоциклини патиллатиб қайларгадир жўнаб қоларди. Ҳашарчилар эса ҳаммасига бепарво, ҳамон бир-бiri билан жой талашишар, тўшакларни таҳлашар, аёллар чойшаблар билан ўzlари ётадиган жойни ўраб олишарди.

Бўм-бўш ва хувиллаб ётган шийлонга бирдан файз кирди, атроф супуриб-сидириди, сув сепилди: бир-пасда қозон ва мўъжазгина қўлбола ошхона пайдо бўлди: бино одам кулгуси ва ҳазил мутойibalар билан тўлди. Шийлон ичida кўп йиллардан буён ўрнашиб қолган қандайдир дорининг ачимсиқ ҳиди ҳам шийлон ичига ёпирилиб кирган мушки анбар ҳиди аралаш маст қилувчи аёл исини босишга ожизлик қилиб қолди— бу ҳид бир зумда шийлон атрофини ҳам забт этиб олди: торгина спорт костюмлари кийиб олган қиз-жувонлар қадду қоматларини кўз-кўз қилиб, шийлонга кириб чиқиб туришарди. Вазирлик гуруҳга бошлиқ қилиб жўнаттан Исмоил Али деган драматург юзи товоқдай бригада бошлиғи билан қилинажак ишлар тўғрисида гаплашмоқда эди: у йигитни унчалик назарга илмаёттани шундай кўпчиган юзидан кўриниб турарди: у бригадирнинг гапини қошини жийириб тинглар ва номигагина бош ирғарди.

Бригадир ранги қанақалигини билиб бўлмас мотоциклини судрай-судрай ўт олдириб кетгач, у шийлоннинг бир четида теварак-атрофни ҳафсаласизлик билан кузатиб турган Шамси Салоҳнинг олдига бордида, дўстона бир яқинлик билан қўлтиғидан олди.

— Бу дейман, ҳалитдан зерикиб қолдингизми?, —

деди у Шамси Салоҳнинг кўзларига ялтоқланиб тикилар экан.

Шамси Салоҳ, талмовсиради, сўнг бепарволик билан кулиб қўйди. — Совхоз марказидан жуда узоқ экан. Ўн беш чақиримча бор, шекилли? Йўл ҳам расво, анови қишлоқдагилар қандай кун кечиришаркин? Наҳотки бозор-ўчар учун ҳам совхоз марказига боришса? Қизиқ. — Сўнг ўзига ўзи гапираётгандай:— Бу ювиниш деган масалалар нима бўлади? — деди.

Исмоил Али ичида «Ана шунаقا, ҳамма ер Москва эмас», дегандай ҳиринглаб кулди.

— Энди ювинишни шаҳарга қайтиб икки ҳисса қилиб чиқариб оламиз. Бу ерда эса шамоллар ювиб қўяди юзингизни... ҳе... ҳе... мен йигирма беш йилдан бери пахтага келаман, лекин жар солишаётгандек, ҳар томонлама қулай ювиниш хонасию, музлаткичи бор, киройи шийпонни ҳали кўрганим йўқ, менимча кўрмасам ҳам керак. Э... улар ҳаммаси газетада... тўқиб-бичишиди. Бизнинг газетачиларимизда субут деган нарса қолмади, билмадим, улар кимни алдашар экан.

Шамси Салоҳ худди бу гапларни эшитавериб, чарчагандай, билинар-билинмас хомуза тортди, бироқ Исмоил Алига ҳеч нарса демади, жавоб ўрнига яна пахта далаларига хомуш нигоҳ ташлади: ичида бу манзарага нисбатан ҳеч қандай ҳис уйғонмаганига, нимадир тошдай бўлиб бўғзига тиқилиб турганига, юраги бирдан бу нарсалар ўзига алоқаси йўқдай «ухлаб қолганига» бир оз ажабланди. У мен, ўша пешонасидан тер ҳиди келиб, меҳнатда қотган мушаклари бўртиб турган, ўз ҳаётидан мамнун одамларни кўрсам, юрагимда янги тўлқинланиш бошланади, деб ўйлаганди. Ҳозир эса негадир бу тафтсиз, завқсиз манзарадан кўнгли ғашланди: ўзини диққат билан кузатаётган Исмоил Алига малоллангандек тикилди.

— Ҳали ҳам ёввойи яшаймиз, жуда қолоқмиз, — деди ҳафсаласизлик билан.

Маданият ходимлари шийпонга яхшилаб жойлашиб олгач, кечга яқин— қўёш далалар узра қадаб қўйган зарҳал найзаларини бир-бир териб ола бошлагач, учтўртта бўлиб айланишга чиқишиди; йил ўн икки ой шаҳар кўчаларидан нарини кўрмайдиганларга китоблардагина ўқиган бу биёбон ғаройиб томошага ўхшар эди; ҳаммаёқ оппоқ пахтазор, фақат узоқ-узоқларда

саҳронинг ўзлаштирилмаган жойлари қип-қизил бўлиб кўринарди. Шийпоннинг кун ботиш томонида шу ерда дехқончилик қиласиган одамлар яшайдиган қишлоқ-нинг дараҳтлари қорайиб кўринарди: шийпон билан бир қатор ҳар ер, ҳар ерда қамиш ва лойсувоқ чайлалар жойлашганди, у ерда хотин-халажлар сигир етаклаб юрар, иккита ёшина бола жилдираб қолган бетон ариқда қиқирлаб кулгланларича бир-бирига сув сепишарди: шабада чайлалардан енгилгина қовун ва райҳон ҳидини олиб келган, күёш қиё оққанча тафтсиз порлаб туради. Ҳашарга келавериб, тажрибалироқ бўлиб қолган бир-икки ёш йигит қовун-тарвуз умидида томорқалар томон йўл олиши. Шамси Салоҳ ва Исмоил Али билан иккита кекса актёр нарироқда кўриниб турган боғга ўхшаш дараҳтзорга қараб кетишли. Йўл чанг, юриш ноқуладай эди. Шу сабабли улар бетон ариқча ёнидаги чимзор бўйлаб кетдилар. Уларнинг бу сайрида бирор бир мақсад йўқ эди: шунчаки кунни кеч қилиш ва автобусда кўп юрганларидан уюшиб қолгац томирларини ёзиб келмоқчи эди. Ундан кейин қўналганинг атрофида нималар борлигини кўриб қўйсанг ёмон бўлмайди, деган ният билан кетиб боришарди.

— Бригадир анча ювош болага ўхшайди, — деди кекса актёрлардан бири Исмоил Алига қараб. — Пахтаси ҳам ёмон эмас.

Исмоил Али жавоб бергиси келмагандек, олис-олисларга кўз тикиди, поёнсиз мавжланиб ётган далаларга қисиқ, мўғулсифат кўзларини юргутириб чиқди, сўнг тахи бузилмаган рўмолчаси билан терлаб кеттан бўйини ва юзини артди.

— Ҳа, буларга ҳам қийин, — деди негадир ачингандек, лекин семиз юзида ачинишдан кўра малолат акс этиб туради, актёрнинг саволини тўсатдан эслаб қолгандек, унга қараб бош чайқади. — Ҳа, мўмин болага ўхшайди. Икки йил олдин агрономияни тутгаттан экан, сизни театрда кўрганман, дейди. — Унинг сўнгги гапи бир оз ғуур билан жаранглади ва икки актёр негадир бир-бирига маъноли кўз ташлаб олишди.

— Бу ерларда қандай яшашар экан? — деди Шамси Салоҳ, нарироқдаги бедазорда сигир боқиб юрган болага қараб. — Ҳа, айтгандай, ов қиласиган жой борми?!

— Бор, — деди Исмоил Али, — ҳув, анови тепа-нинг орқасида кўл ва ташландиқ ертўла бор. Ўтган иили ҳам шу атрофга келгандик.

Улар боғ деса боғга, чакалакзор деса чакалакзорга ўхшамайдиган, серсоя, тифиз қилиб экилган дараҳтзор оралаб боришарди, дараҳтлар орасида кўп йиллик юл-фунлар, янтоқлар ўсиб ётарди: ботаётган қуёшнинг сўнгти нурлари шохларда осилиб турар; бу ерда негадир дилни хомуш қиласидиган сукунат ҳукм сурарди. Кекса ва чуркун дараҳтлар ҳориган жангчилардек кечки шабадада ҳолсизгина тебранарди.

— Қишлоқ хўжалигини битирган дедингизми? Шамси Салоҳ Исмоил Алига қаради, сўнг бунинг ўзи учун ҳеч қандай қизифи йўқлигини англағач.— Ҳа-а— деб қўйди чўзиб.

Унинг кўнгли хижил эди, айни пайтда у бу ерлардаги бирон нарсани кўздан қочирмоқчи эмасдек ҳар бир дараҳтни диққат билан кўздан кечирарди. У туппа-тузук номи чиққан ёзувчи эди, кейинги икки китоби, айниқса, унга шуҳрат келтирганди, танқидчилар унинг «нозик таъб», «нафис дидли» ижодкор эканлигини алоҳида таъкиддашарди. Унинг «лирик қаҳрамонлари ҳаётдан гўзаллик изловчи ва ҳаётни гўзалашибурувчи» қаҳрамонлар эди. У дараҳтлар орасидан ва теварак-атрофдан бўлажак асарига узукка кўз бўлгудек латиф манзаралар излар, шу сабабли ҳамроҳларига қараганда паришонроқ эди. У гўё бу кекса, хунук, дараҳтларга ҳам ўзининг ниҳоятда қобилияти эканлигини кўрсатиб қўймоқчилик бафоят ораста кийиниб олган, этнидаги оқ костюм ўзига жуда ярашиб турар, қўмлоқ йўлда ундан енгилгина чўчқа тумшуқ из қоларди. Икки актёр кейинги пайтда матбуотда пайдо бўлган театр муаммолари тўғрисидаги баҳсларга Шамси Салоҳни ҳам тортиш учун, товушларини бир оз кўтариб, мунозара қилишарди.

— Ҳамма бало шундаки, у барча айбни бизнинг устимизга юклаяпти, — дерди бурни қизил актёр, — гўё биз ўйнолмаётган эмишмиз. Қани, яхшироқ, драманинг ўзи борми, дейдиган мард йўқ. Улар ўзлари тўғрисида лом-мим демайдилар. Бу мақоладан бошдан-оёқ артистлар айбдор, улар саводсиз, ўз устларида ишламайди деган фикр келиб чиқади. Драматургия-миз-чи? Драмалар замондан орқада қолмаяптими? Бу

тўғрида ҳеч қандай фикр йўқ. Ахир кавуш ёмон тикилса, оёқда нима айб?

Бу гап сал олдинда кетаёттаи Исмоил Алига тегиб кетди шекилли, у огоҳлантиргандек, томоқ қириб қўйди. Икки актёр ҳам бирдан жим бўлиб қолишиди. Нажот излагандек Шамси Салоҳга тикилишиди. Бироқ, у ҳамма нарсага лоқайд ва паришон эди. Дараҳтзор тугаб, улар қандайдир қамиш чайланинг қаршисидан чиқиб қолишиди: чайла олдида ёғочдан сўри қилинган, сўрининг бир четига ўнтача қовоқ териб қўйилганди. Чайла билан дараҳтзор оралиғи йигирма қадам ҳам чиқмас, супада уларга орқа ўтириб, сўта ситганча қандайдир қиз қўшиқ айтарди. Қизнинг овози тиник, ҳатто жуда тиник, таъсирчан, ширали ва мароқли эди. У қўшиқнинг энг юқори пардасини ҳам қийналмай, зўрланмай, табиий ва самимий куйларди. Тўрт ҳашарчи ҳам худди бирор имо қилгандек бирдан тўхтаб қолди. Улар қўшиқнинг назарий томонларини ва овознинг қадрини яхши тушунардилар. Шу сабабли қаршилиаридағи қизга бир зум сеҳрлангандай, бир оз ажаблангандай қараб туришарди. Ҳатто энг машҳур ҳофизлар ҳам бу қўшиқнинг юқори пардасига келганда бир оз кучанишарди; қиз эса дугонасига шивирлаётгандай қийналмай, овоз маромини ўзгартирмай пардадан-пардага ошиб ўтарди. Унинг овози сўзларни ҳам оҳангта айлантириб юборар, қиз қанотини озод қоқиб юрган қушчадай, берилиб қўшиқ айтарди. Қўшиқдан ҳатто қизчанинг дук-дук ураётган юрагини ҳам эшитиш мумкин эди. Унинг товушидаги эркинликка Шамси Салоҳ, бирдан мажоз топа олди: тоғ кийиги чўққидан-чўққига ана шундай сакраб юради, деб ўйлади у. Қиз уларни кўрмас, қўшигининг авжини ўзгартирмай бир пайтнинг ўзида тез-тез сўта ситрарди. Унинг атрофида жўхори дони уюлиб кетган, қиздан икки қадам нарида икки-уч ҳафталик бузоқ ўйнаб юради, унинг кечки қуёшда ялтираб кетаётган жунида ва кичкина, чиройли кўзларида ҳам қизнинг қўшиги жилваланаётганга ўшшарди.

Бу жуда гўзал манзара эди, буни фақат уста расомларнинг суратларидагина кўриш мумкин, бироқ энг зўр мусаввир ҳам унинг қўшиғига бўёқ тополмаган бўларди. Қизнинг овозида бани дунё ўзаро ўйғунлашиб жаранглар, гўё хаёл ҳам, гўззалик ҳам, орзу ҳам

қизнинг қиёфасига кириб қўшиқ айтарди. Қўшиқни тинглаётган одам баҳорни, яшариш фаслини, солланиб турган гулларни, шабададан тўкилай-тўкилай дея-ётган қизғалдоқ баргидағи шудрингни, туман қоплаб олган боғни, варрак учираётган болаларни юксак-юксакларда парвоз қилаётган, жилваланаётган болалик хаёлини кўз олдига келтириши мумкин эди. Болалик каби гўзал, тиник ва орзуманд бу овоз қуёшнинг иссиқ тафтидек ўз оҳанги билан одамни эритиб юборар, кўнгилга ёқимли шабададай эсиб кирарди. Тўрт ҳашарчи шундай таассуротларни бошдан кечирар, улар қўшиқни охиригача эшитмоқчилик донг қотиб туришарди. Қўшиқ хаёлни тортқилаб, тортқилаб олис-олисларга, хаёлот, орзу, самимият ва мўъжизалар гуллаб ётган болалик адирлари томон олиб қочарди. У хасис дунёning қўйинидан бу гўзал оҳангларни парча-парча қилиб қўпориб олаёттандай ва жароҳатлар бижғиб ётган қалбларга малҳам қилиб босаёттандай эди.

Тўртта ҳашарчи дараҳтзордан чиқаверишда тўхтаб қолган, гўё қимир этсалар дунёning улуғ мўъжизасидан қуруқ қолишадигандек, кўзларини ҳам юммай турардилар. Бу ота-боболардан мерос қолган, қувғин қилинган, қатл этилган, ёқиб юборилган, лекин охироқибатда зулмлардан, қатлардан яна қайта тириверган, яна ҳам гўзаллашган, улуғлашган, замонлар силсиласида осмону фалақдан ёғилган инъом каби яна пайдо бўлаверган ва маданий дунёning мафкураси билан заҳарлаб ташланган тўртта санъат одамининг қитиғига тегиш учун уларни босиб, янчиб ўтиб, йироқ-йироқларга оқиб бораёттан, кечки шафақ қўйнида янада кўпроқ товланаётган хаёлдай гўзал қўшиқ эди; гўё замину замоннинг, инсоннинг азалий орзуларининг битта тори мана шу қизнинг чайласидан ўтгану, у қиз ўзини тинглаётганлар ўқириб-ўқириб йиғласинлар, бoshини тошга ура-ура бехуда ўтаётган умрларига армон қилсинлар, умрнинг ғанимат эканлигини, бу ҳаёт одамга бир лаҳзага берилганини англасинлар, бир-бирига таъзим қилсинлар, бир-бирини қучиб йиғласинлар, менинг ҳам, бу қўшиқ айтувчининг ҳам умри бир лаҳза, фақат қўшиқгина абадийлигини ҳис этсинлар деб, бу торни шафқатсизлик билан қайта-қайта чертар эди...

Мана баҳор келаяпти. Чечаклар бош кўтараяпти, қизғалдоқлар қир-адирлар узра қийқириб, чопиб юри-

шибди, ана, қамиш чайладан болакай югуриб чиқди, у онасининг пўписасига қарамай, ёмғир савалаб ўтган майсаларга қиқир-қиқир кулганча ағнаяпти, унинг кулгусидан уйғониб кетган дунё пориллаб очилаётган фунчаларнинг кўзлари орқали теварак-атрофга разм сояяпти, дунё фафлатдан уйғонаяпти... боғларда ишонч, хавотир, орзу дарахтлари гуллаяпти.. Бу ўлкага яна муҳаббат қўшифи қайтди...

...О, сен момоқўшиқ! Қалбимнинг муқаддас қўшифи.

Сен бу биёбондан, бу мардумлар дилидан нелар излаб юрибсан? Сен бу руҳдар қабристонидан нелар излаяпсан?! Бу одамлар юзларида сен излаётган ул шамлар аллақачон учиб бўлган. Бу саҳрода сен уйғотадиган нарса қолмаган. О, билдим, сен бу ерларга мени излаб келгансан. Мана, мен, қанча сиринг бўлса айт. Кўнглимдаги ул ғолиб туғларни кўтар. О, мени ўз ўлкангга даъват эт. Ўликлар юргига қўшин излаб келган саркарда қўшиқ! О, балки, бу қўшиқ эмас, қиличлар жарангидир?! Юрагига ўқ санчилган жангчининг ҳаёт ва ўлим ҳақидаги сўнгти хуносасидир. О, сен, улуғ ният қўшифи! Майли, янгра! Майли, забт эт! Мени ўз оҳангингга ғарқ қил! Майли, мени куйнинг кундасида қатл эт! Токи қабрим ҳам сенинг ўлмас сатрларингда қолсин!..

О, ўлмас қўшиқ кемаси! Суз, сузавер! Ул олис диёрлардан менга томон сузив кел, менинг юрагимга лангар ташла! Мен сени асрлар, йиллар оша кутдим. Ул момо юртлардан мени излаб келишингни билардим. О, умид кемаси! Суз, сузавер. Бу саҳро узра улуғвор елканларингни ёзиб ўт! Сени қўриб одамлар ҳали дунёда гўзаллик ва қўшиқ мавжуд эканлигига ишонсинлар, сени кутиб олиш учун юракларининг қирғоқларига чиқсинлар..

Қиз қўшигини тутатган бўлса ҳам тўрттала ҳашарчи ҳамон унга ҳайрат билан қараб туришарди — гёё қўшиқ эмас, ҳозиргина олдиларидан қизғиши қанотли тулпорлар чопиб ўтганга ўхшарди: қўшиқнинг давомини ҳар бири ўзича хаёлида давом эттираётгандек, бу дилгир оҳангни тутиб олиб, кўксиларига бир умр қадаб қўйиш учун қўшиқ изидан дала узра хаёлан югуриб юришгандек эди..

Энг биринчи бўлиб Ислом Али ўзига келди. Қўшиқ аллақачон оқшом қаърига сингиб кетганди, қиз эса

жўхоризорда донлаб юрган товуқларни катагига қамаш учун ҳай-ҳайлаб, ҳайдаб юрарди; у худди қўшифи каби сулув эди, — ҳар қалай, узоқдан сулув бўлиб кўринарди. Унинг қизил чит кўйлаги югургаётган пайтда ростдан ҳам олислардан келаётган кеманинг алвон елканига ўхшаб, ҳилпираб кетарди.

— Овози опереттага жуда мос экан, — деди Исмоил Али ўзини сал йиғиб олиб, — фақат бир оз тарбиялаш зарур, лекин санъат оламини асир туширадиган овози бор экан.

Шамси Салоҳ шамдай қотиб қолганди: унинг вужудида хотиралар, хаёллар, туйфулар ғалаёнга келганди. У кейинги пайтларда қўшиқ эшишиб, ўзининг ҳозиргидаи ҳаяжонланганини ҳеч эслай олмасди, унинг йиғлагиси келарди, бўғзида тошдай нарса тиқилиб турар, бориб у қизни қучгиси, раҳмат айттиси, оёғига йиқилгиси келарди. Балки кейинчалик у ўзининг ушбу ҳолатини эслаб кулиб ҳам юргандир, бироқ ҳозир у шундай қилишга қодир эди, фақат боягина дунёнинг энг латиф қўшигини айтган қизнинг қўшиққа мос бўлмаган келбатда товуқ қувлаб юришига ажабланаетган эди. Гўё қўшиқ айтган қиз осмону фалакка учеб кетгану бу қиз эса фақат унинг суврати... Бу манзара унга жуда қаттиқ таъсир қилди. У кейинчалик ҳам ушбу дақиқаларни тез-тез қўмсар, соғинар, лекин буни ошкор қилишга истиҳола қиласди.

Шамси Салоҳ ҳамроҳларидан юз қадамча орқада борар, хомуш ва паришон эди.

У шийпонга қараб бурилишдаги бетон ариқда кетмонини юваёттан сариқ мўйловли кишининг саломига алик олиб, бош ирғаб ўтиб кетди-да, сўнг бирдан изига қайтиб, терс сўради:

Дараҳтлар ичидаи чайла кимники? — қўли билан дараҳтзор томонга ишора қилиб.

— Отакулники, бригадирники, — деди мўйловли киши унга қизиқсиниб тикилиб. Унинг итоаткор, андишапараст чехрасида ҳар доимгидаи эҳтиром пайдо бўлди ва қаддини тиклаб, шоирнинг олдида ғоз қотди.

Шамси Салоҳ хўмрайганча жим қолди.

— Синглиси нима иш қилади? — сўради у яна.

— Қандай синглиси? — сувчи унга энди ажабланниб тикилди. Кейин дона-дона қилиб, — Отакулбой онадан битта! — деди. Ниманидир ўйлаб, кўзларидағи

савол тўсатдан йўқолиб, бирдан топишмоқнинг жавобини топган боланикдай шодон учқун пайдо бўлди.— Э, ҳа, келинни айтяпсизми?

Шамси Салоҳ сал олдин негадир «Қишлоқ хўжалигини битирган эканми? — деб сўраган юввошгина бригадирни эслади, юраги ғашланди, сувчининг саволига жавоб ҳам бермай, хўмрайганча шийпонга қараб йўл олди. Сувчи бу салобатли одамнинг нега Отакулнинг хотинини атайлаб сўраганига ақли етмай, изидан ажабсиниб қараб қолди.

II

Тонг пайти самоварчи ташқарида тақур-туқур қилиб юрганда у ўзидан-ўзи уйғониб кетди, хуриллаб, беозоргина ухлаб ётган ҳамхоналарига бирпас тикилиб турди-да, кийиниб секин ташқарига чиқди: тонг оқара бошлаган эди, шундагина у кўл бўйига бориб, қуёш чиқишини кузатмоқчи бўлганини эслади. Тун қайларгadir учиб кетиши учун далалар устидан астасекин қанотларини йириб олаётган эди. Кечаси билан тун мулкига пойлоқчилик қилиб чиққан ой шами ҳам энди ер юзини ёритишга ожиз эканлигини сезгандай пилпиллай-пилпиллай сўна бошлаганди. У саҳро тонгнинг салқин ҳавосидан энтишиб кетди; бу тонгда ва бу далаларда унга ёт бир ёввойи фурур тўшалиб ётарди, улар сирларини ҳеч кимга бермоқчи эмасдек ёки қандайдир хавфни кутиб, донг қотиб қолишгандек, сирли тарзда ҳурпайиб, олишганди. Тонг олис-олисларда кўринаётган қишлоқларда ўзининг тирикчилик қўшиқларини бошлаб юборган, пастқам қирлар устида шафақ тудай ҳилпирав, далалар узра осойиншта сокинлик ҳукм сурарди.

Шабада эгатлар ичидан фўзаларни қитиқлаб, кулдириб чопиб ўтарди. Шамси Салоҳ, эгат оралаб борар, оёқлари остида барглар шитир-шитир эзиларди. Баъзан фўзалар унинг шарпасидан ҳурккандек, қалтираб кетарди, у ўзига кўпдан буён бегона бўлиб қолган, қандайдир дард ва оғриқ билан тўлғониб ётган бу заминни тинглагиси келарди.

Аламли, шаполоқдай-шаполоқдай юзлари сарфая бошлаган, маҳзун туришлари ва мунгли қараашлари билан шарқ аёлларига ўхшаб кетадиган, тонгти салқинда

келинчакдек титраб турган бу гўзалар нелар демоқда? Нега улар бунчалик безовта, бунчалик руҳсиз, бунчалик сўлғин?

Кафтларига митти қўёшчалардек умид толаларни кўтариб олган ва ичига ораласанг изингдан норозидек шитирлаб, жавраб қоладиган, кенг далада ястаниб ётган гўзаларнинг намойишими бу? Ёки тупроқ остида қовжираб ётган ота-боболарнинг фалакка ўқталган муштларими бу? Агар разм солиб қарасанг, сени гўзалар эмас, сонсиз, таҳликали лашкарлар ўраб турганини кўрасан. Нечун, нечун бу лашкарлар қурбонликка маҳкум этилган? Уларнинг бунчалик газабга келтирган нарса нима?! У қандай куч, қандай жоҳиллик?! Бу гўзами, ё исёнми?!

Шамси Салоҳ, узоқ-узоқларга боқди ва нечундир олис-олисларга чўзилган пахта даласини йифлаб ётган аёлга ўхшатди, йўқ, йўқ, балки қўшиқ айтаётган аёлга ўхшар. Агар гўзалар ҳам куйлаганда қандай қўшиқ айтган бўларди? Ёки анави келинчакка ўхшаб (келинчак эканини у кеча билиб олган эди) момолар қўшигини айтармиди ва бу қўшикни у тушуна олармиди? Тўри, кечаги қўшиқда ҳам бирмунча дағаллик бор эди, лекин уни барибир ҳаяжонга солди, бағрини титратиб юборди-ку; у ўзини санъатнинг билур қоясига чиқиб олдим, ҳамма нарсани энди шу қоядан кўраман деб ўйларди. Лекин кечаги қўшиқ тўсатдан ерга тортиб туширди; унинг қалбида нафис ташбеҳлар остида кўмилиб қолган унут хотираларини юзага чиқарди, — бу қўшиқ эмасми, ахир, бу гўзаллик эмасми? Шамси Салоҳ барибир ич-ичидан буни тан олгиси келмади, агар тан олса, ўзи кулиб юрадиган «ялтироқ» романларнинг қаҳрамонига айланиб қоладигандек кўнглида бир ўжарлик уйғонди.

Шамси Салоҳ тунд, бироз олифтароқ, жимжима нарсага ўч, бироз кибрлироқ, ҳамма нарсанинг гўзал бўлишини истовчи ва ҳамиша шунга интилувчи, ҳашамили ва жилвали нарсаларни севувчи, ҳар бир манзаранинг ниҳоятда зебо томонларини кўра оловчи, нафис ташбеҳларга устаси фаранг, яшashi ва кийинишида ҳам ўта зиёлилик барқ уриб турувчи киши эди; у ҳаётга ҳам, теварак-атрофига ҳам мана шу нозик зиёлилик кўзойнаги билан қаради.

Пахта даласидан унинг кўнглига оғир таассурот

чўккан эди, гўё унинг ҳислари, сезгилари бирдан гунг бўлиб қолгандек эди, у бундай кайфият билан ҳеч нарса ёзомаслигини яхши биларди. Сал нарида атрофини қамиш ўраб олган кўл кўринди, шабада унинг димоғига балчиқ ҳидини олиб келди. Кўл ҳам қуриб қолган сиёҳдондай унда диққинафас таассурот уйғотди.

Шунда у кечаги қўшиқни эслади, бу дала, бу кўл, бу манзаралар ўша қўшиқнинг маҳзун байтлари эмасми? Худди қоронғу хонага лоп этиб қуёш нури тушгандай унинг хуфтон кўнглининг бир четида қандайдир ёрқин сиймо унга аввалига нотаниш туюлди, сўнг қўшиқ айтаётган келинчакни эслади-ю, юзи ёришиб кетди. Қандай аёл, у, назари боғу эрам гулларига ҳам тушиши қийин бўлган бу одамни ўзига фойибона чорлаётган? Нега унинг аёлга баайни гўзал ташбеҳдай, бунчалик ишқи тушиб қолди? Эҳтимол, унинг энг гўзал ташбеҳи ҳам шу келинчак бўлар?

Кўл атрофи этни жунжиктирадиган даражада салқин эди ва ундан сасиган балиқ ҳиди келарди; энди ҳеч нарсани ўзгартириб бўлмасди, кўз олдидағи қурум манзараларнинг маъниси йўқолганди. У бу ерларни кун узоби кезса ҳам ўзи излаган нарсаларни топа олмасди. Умуман, бу ерлардан нима излаёттанини унинг ўзи ҳам яхши билмасди. У келган йўлидан яна изига қайтди.

III

У Муаззамни уч кундан сўнг яна ўша қамиш чайла олдида учратди. Шундай, қўшиқчи жувоннинг оти Муаззам эди, у эндиғина йигирма бирга кирган, муаллимлар билим юртини тутаттган — лекин орада бола бўлиб қолгани ва Отакулни совхознинг чеккасига бригадир қилиб тайинлаганликлари учун ишга ўрнаша олмаган, мана икки йилдан бери олти-етти ойи шу ерда, кўримсиз чайлада ўтар эди. У бир оз мустарликка мойил, таъсирчан, анча зийрак келинчак эди. Отакул ҳафталаҳ уйга бормай, шийпонда ётиб қолавергач, иссиқ-совуғидан хабар олиб туриш учун у мактабда дарс бериш истагини ҳам ташлаб, мана шу чайлага қўчиб келган эди. Бу йил боласи уч яшар бўлиб қолгани туфайли уни қишлоққа, қайнонасининг қўлига ташлаб

келган, ўзи эса эри билан беш ойдан бери далада эди. Хўш, у ҳақда яна нима дейиши мумкин, дарвоқе, у ростдан ҳам жуда сулув эди. Уни кўрган одам кўклам пайтидаги қирни эсларди; унда ҳамма нарса оддий ва шу билан бирга алланечук маҳобатли эди; бир пайтлар мактабнинг ярми унга хуштор бўлган, лекин ҳеч ким ўйламаган ва кутмаган йигитта тўсатдан турмушга чиқиб кетганди. Унинг қўшиқ айтишини ҳамма билар, бироқ ҳеч ким унинг Шамси Салоҳ ич-ичидан эътироф этаётгандек қўшиқ учун туғилганини билмасди; қишлоқдошлари уни тўйларнинг гули деб билар, қиз узатиш зиёфатларини усиз тасаввур қилолмас, бироқ ҳеч ким шу пайтгача уни қўшиқ учун туғилган деб айтган эмасди. Умуман, у сулув жувонларга ато этиладиган барча фазилатга эга эди. Ўта содда ва қўнгли бўш эди, вужудидан қишлоқ кесагининг иси келиб турарди. Шамси Салоҳ унда фавқулода бир иқтидорни сезмоқда эдики, бу сезгиси ўзига ҳам ҳузур бағишларди. У Муazzамни уч кундан сўнг чайла олдида пахта териб юрганда учратди. Муazzам ярим этак пахтасини елкасига ташлаб, чайлага қараб, секин юриб келарди. Кун тушга яқинлашган, ҳаво дим эди.

Ҳашарчилар аллақачон баландроқ серсоя гўзаларнинг тагига чўзилишганди. Шамси Салоҳ, Муazzамни жуда яқиндан, уч қадамча беридан кўрди-ю, юраги бирдан гурсиллаб ура бошлади. У қишлоқ аёли шунчалик барно бўлади деб ҳеч ўйламаганди. Шамси Салоҳни аёлнинг юзидағи балқиб турган сулувликдан ҳам кўра ундан таралаётган, ўзига ярашган аёллик малоҳати лол қолдирди. Келинчакнинг юзида осудалик, изтиробга ўхшаш безовталиқ, недандир норозилик ҳислари ўйноқларди. Шамси Салоҳга олдидан тўғри беҳиштдан чиққан ҳуру фильмон ўтиб кеттандай туюлди. Келинчак ўтиб кетиши билан Шамси Салоҳнинг назарида ҳамма нарсанинг исми йўқолди, даланинг ҳам, осмоннинг ҳам, гўзаларнинг ҳам, дим ҳавонинг ҳам, барча исмни келинчак ўғирлаб кетган эди. Шамси Салоҳ, қўлга тушган ўлжани қўйиб юборадиган нoshудлардан эмасди. У дарров ўзини тутиб олди; яқинроқда пахта тераётган фаррош жувонларни сув ичиб келишга таклиф қилди. Жувонлар этакларини қарта четига қўйишиб, Шамси Салоҳ, билан чайлага қараб жўнашди. Доимо ҳашарчилар билан ўралашиб, уларга

йўл-йўриқ, кўрсатиб, сув-пувидан хабар олиб юрадиган Отақул яқин-атрофда кўринмасди, бу айни муддао эди. Шамси Салоҳ барча тажрибасини ишга солиб, келинчак билан танишишига ҳаракат қилмоқчи бўлди. Бироқ, унинг «тажрибалари»ни ишлатишга ҳожат ҳам қолмади, сув ичиб бўлган жувонларнинг нарироқ кетиши ва вақт ўтказиш учун ёғоч дўлчада иложи борича кўпроқ ва узоқроқ сув ичишга ҳаракат қилаётган Шамси Салоҳга сув узатиб турган Муаззам бирдан:

— Сиз ёзувчимисиз, — дея сўраб қолди, унинг кўзларида ҳайрат, қизиқиш балқиб турарди. — Ҳеч ҳам тирик ёзувчини учратаман деб ўйламагандим.

Ёғоч ҳиди ўтган сувни ютишни ҳам, ютмасликни ҳам билмай турган Шамси Салоҳ қилт этиб ютиндида, ўзига эҳтиром билан тикилиб турган чиройли кўзларни кўргач, нима деярини билмай жилмайди.

Бу келинчак тушмагур, шу даражада ёқимли, шу даражада оғатижон ва дилбар эдикни, уни бу чучмал, ер ҳиди келиб турган сувга қўшиб ичиб юборгинг келарди, во дариг, бу келинчакнинг куйдирма жонлигидан дўлчадаги сув ҳам лиммолим қайнаб кетган, бу сувни ичган ҳам дунёга қўл силтаб, ҳаю, ҳайт, — деб телба бўлиб ўтган бўлармиди?

— Каминанинг бошига шундай баҳтсизлик тушган,— деди у бир оз жимжима билан.

— Вой, нега ундей дейсиз, — Муаззамнинг кўзларида бирдан ажабланиш пайдо бўлди. — Мен энг баҳтли одамлар ёзувчи бўлади деб ўйлайман.

У жувоннинг соддалигидан ичидаги ҳузур қилди, ҳозиргина қўл узатса етмайдигандек туолган омад қушининг жувоннинг иффат тўла кўзлари орқали ўзига ҳайрат билан боқиб турганини кўриш ҳузурли эди.

— Ишқилиб мен бу баҳтни ҳеч кимга раво кўрмасдим, — деди иложи борича ўзини сирлироқ қилиб кўрсатиш учун. У чиройли аёллар сирли кишиларга кўпроқ мойил бўладилар деб қаердадир ўқиганди. Орага бирдан сукунат чўқди. Муаззам унга нима деб жавоб беришини ҳам билмай, қизариб кетди. Шамси Салоҳнинг отган биринчи ўқи нишонга теккан эди, Муаззам шафқат ва самимият акс этган кўзларини унга тикиб турарди.

— Қовун ейсизми? — деб сўради у кейин шошиб

чайлага таклиф қилар экан, —вой, мени қаранг, ки-
ринг ҳам демабман. Киринг, мана, ўзингиз танлаб
олинг.

Шамси Салоҳ ичкарига кирди-ю, эски-туски кўрпа-
ёстиқни, шолчаларни, қоп-қора чойидишни, сири кўчиб
қолган косаларни, қовун ширасидан доғ-дуғ бўлиб қол-
ган дастурхонни, чайланинг тўрига териб қўйилган
қовун-тарвузларни, сув сепиб супирилаверганидан бўлса
керак, чанг ҳиди тутган ҳужрани ва бу хунук идиш-
ларга, балчиқ ичида ўсган гулдек юзидан ҳаёт шавқи
таралаётган Муаззамни ўзининг ҳамишаги нафис
кўзойнаги билан қузатиб чиқди: назарида кўз олдида
турган хароб чайла ва ўзининг қўшиғидан ҳам гўзал-
роқ Муаззам бошқа-бошқа дунёда тургандай, ёхуд
бошқа-бошқа дунё учун туғилгандаи туюлди унга. У
ўша куни дунёдаги энг баҳтиёр аёлдай қўшиқ айтган
келинчакни мана шу вазиятда, шундай аянч нарсалар
куршовида учратаман деб, сира ўйламаганди.

Чайлада ҳамма нарса бетартиб сочилиб ётар, у
одам яшайдиган жойдан кўра, кўпроқ товуқ, катагига
ўхшарди, бу ерда ҳамма нарса қўпол, кўримсиз, хунук
ва омонат эди. У мана шу қора турмушнинг баҳтсиз
асоратини излаб Муаззамнинг кўзларига тикилди, би-
роқ бу кўзлар Шамси Салоҳга номаълум бўлган баҳт-
дан яйраб турар, ўзидан баҳтсизлик излаётган совуқ
кўзларга ял-ял яшнаб боқарди. Бу кўзларнинг қирла-
рида гоҳо толе оҳулари юргурилаб қоларди ва атрофга
хижолат — ҳаё аралаш саодат еллари тараларди. Ти-
килиб-тикилиб қарасанг, бу қорачиқлар супасида қора
либос кийган сеҳргар ўтирганини кўрардинг, сеҳргар
ўзига тез-тез жосусона нигоҳ ташлаётган анчайин сур
кўзларга гоҳо ажабланиш, гоҳо ҳайрат тузоқларини
қўярди, гоҳ ўзининг жимитдайгина саҳнасига қоқсу-
як, хўмрайган юзнинг суратини чизарди; гоҳ бу кич-
кина салтанатга бостириб кирмоқчи бўлаётган айғоқ-
чи нигоҳларни таҳдидана музafferлик билан қарши
оларди ва ўзининг шу таҳлит тилсимона ўйинлари би-
лан ҳар қандай баҳт ва баҳтсизлик ҳақидаги тушун-
чалардан юксакда туришини исбот этмоқчи бўларди.
Йўқ, йўқ, бу кўзларда сеҳргар эмас, ойболта кўтарган
жаллод ўтиради, у бу мулк деворларидан хуфёна ошиб
ўтмоқчи бўлган ўғри қарашларни айвони саҳнасида
ўкиртиб-ўкиртиб қатл этарди...

Шамси Салоҳ, қанчалик уринмасин бу кўзларнинг сирли пардасини сурниб ичкарига киролмади. Бирок, барибири бу жувон кўзига баҳтсиз ва натавон бўлиб кўринди. «У ўз баҳтсизлигини одамлардан усталик билан яширишга ўрганиб қолган», деб ўйлади у кечқурун ёлғиз айланиб юрар экан, яна ўша манзарани кўз олдига келтириб. Ҳа, у баҳтсиз, у тасодифан ёки алданиб бу шароитга тушиб қолган, энди эса бошқаларга баҳтлидек кўриниб, ўзини алдаб яшаяпти, худди барча баҳтиқаро аёллардек. Унга ўзининг баҳтсиз эканлигини ва баҳтли бўла олиш йўлларини кўрсатиш керак. Мен кўзларига қарабоқ уни қандайдир ғам эзаётганинг гувоҳи бўлдим...

Бошқа куни тонг пайти у дарахтзор ичидан Муаззамнинг тандирга ўтин солиши учун чўпчак, ҳар хил хас-хус териб юрганини кузатиб турар экан, парвариши қилинмаганидан оёқлари тарс-тарс ёрилиб кетган, эрта сўла бошлаган аъзойи бадани ҳафталааб сув кўрмайдиган бу аёл унга илоҳа бўлиб кўринганди. Тутқундаги қўшиқ илоҳаси! Рўзгор ва икир-чикирлар зиндонига занжирбанд қилинган илоҳа! Бу аёлнинг занжирбанд Прометейдан қандай фарқи бор? Унинг кўзига тобора хунук кўриниб бораётган Отақул нарироқда сигир жилдириб юради. «Йўқ, булар унинг қалбини ҳеч қачон тушуна олмайдилар, бу чайлада, бу саҳрова таназзул ва заволнинг ҳиди анқиб турибди» деб ўйланди ўша тонгда, кўнгли мустар бўлиб, изига қайтар экан.

IV

Улар дарахтзор оралаб секин юриб келишарди: тўғрироғи, Шамси Салоҳ уни «тўсатдан», «одатланиб қолган кечки сайдан қайтаётиб кўриб қолган» эди. Муazzам ўтлоқда елкасига бир қучоқ ўт кўтариб қайтаётиб, кекса гужум олдида қип-қизил «кечки шафакни кузатаётган» ўша куни ўзига ғалати-ғалати тикилиб қўйган ёзувчига дуч келган эди. Шамси Салоҳ шу ердаёқ ўзининг зиёли одам эканлигини исботлади; унинг қўлидаги ўтни ўз елкасига олди. Тун далалар орқали секин дарахтзорга ҳам ёпирилиб келаётган эди. Муazzам гулли, четига чироз солиниб қўлда тикилган одми камзул ва ёқасиз чит кўйлақда эди, Шамси Са-

лоҳнинг зътиборини тортган унинг миттигина кўкрак-лари айни учишга чоғланган қушнинг қанотлариdek бўртиб турарди, оёғи, балоги чангта беланганди, сочидан ва бўйнидан тер ҳиди келарди. Ҳозиргина ўт ўраётib кесиб олган бўлса керак, унинг бир бармоги наридан бери кир латтага ўраб боғланган, юзи хижолатдан ва ўтни шошиб ўрганидан бўлса керак, бир оз қизариб кетган эди. Дараҳтзорда қушлар бетиним чаҳ-чаҳларди, қўшни бригадада паҳта тераётган машиналар бирин-кетин чироқларини ёқа бошлаган эди, уларга кўринмаётган шийпонда овқат сузилаётган бўлса керак, қувноқ кулгилар эшитилаётганди — айни овқат маҳали ошпаз чол «Кимнинг мучали ит бўлса, суяк ўшаники» дер, гарчи бу гап ҳашарчилар келганидан бери жуда сийқалашиб кетган бўлса-да; ҳар гапирганда одамлар қаҳ-қаҳ уриб кулишарди. У бугун Муаззамни шу ерда учратишни билгани учун атайлаб дараҳтзорга келганди. У ҳар куни кечқурун дараҳтзор орасидан сигир соғаётган ёки чайла атрофини супураётган Муаззамни кузатар эди. У қанча кузатса, Муаззамнинг бахтсиз ва нотавон аёл эканлигига шунча ишониб борарди. Унинг қўшиқлари энди унга ўта мунгли ва оҳ-воҳга тўла ноладай бўлиб эшитилар эди. У ҳозир Муаззамни гапга солмоқчи, ичидагиларни билб олмоқчи, бу шубҳа ва гумонларини ўз оғзидан тасдиқлатиб олмоқчи эди.

У Муаззамга ўзининг болалиги, ҳозир хотирасидан чиқиб кетаётган қишлоқдари, мактабни битириб марказга ўқишига кеттани, «ўша ёқларда ҳалқимизнинг жуда қолоқ яшашини англаған»и, бу қолоқликдан улар фақат қурбон қилиш йўлидан борсагина қутилиши, фақат юксак мақсад йўлидаги қурбонликгина қолоқликнинг ва ўрта асрчиликнинг зич ўрмонини тўла ва равшан ёритиши мумкинлиги, буни ўтган йили ўз қишлоқларига бориб ҳис этгани ва ҳоказолар ҳақида гапириб берди. (Кейинчалик у айнан «ва ҳоказолар» ҳақида гапириб бердим, деб эслаганди).

— Ўқиш, ўқиш, сўнг иш, турли ёзув-чизувлар... билан умр ўтиб кетиби, — деди камтарлик билан, «ёзув-чизув» дегани ўзига ёқиб тушди, — қишлоқдан чиқиб кеттанимга ўн етти йил бўлибди. Гоҳида синглимдан хат келиб қолади. Менинг эса ҳаётимга ҳам келмайди — биласизми, баъзан жуда алам қиласди.

— Нима, сиз қишлоққа бормай қўйғанмисиз? — сўради унинг гапларидан жуда таъсиранган Муаззам, дафъатан унинг номаълум ярасига тегиб кетишдан қўрққандек эҳтиёткорлик билан.

— Баъзан. Лекин у ёқда жуда зерикаман. Одамлар гапларимдан кулаётгандай ёки тушунмаёттандай туюлади менга. Сиқилиб кетасан киши. Уларнинг сенинг фикрингни эмас, ранг-рўйингни, сочингни, кийимингни, қандай сигарета чекишингни мұхокама қилишади. Буни шунинг учун сизга айтаяпманки, сиз ҳам шундайсиз. Одамлар кулмаслик учун улардан яшириб қўшиқ айтасиз... Ёки нотўғрими?

Муаззам айб иш устида қўлга тушгандай дув қизарип кетди чоғи, унга юзини тескари ўтириб олди ва хижолатомуз жилмайди.

— Шундай... биз кўп нарсани биламиз. Сизнинг қўшиғингизни тинглаб туриб, — албатта, бу гуноҳим учун мени кечирасиз деб ўйлайман — биласизми, нимани эсладим; бўйнидаги қуллик ва қолоқлик кишаларини парча-парча қилиб ташлаб, санъат, фан ва маданият сари дадил кетиб бораётган Шарқ қизини. У ўзининг елкасидаги жаҳолат ва разолат тошларини итқитиб ташлаб, тараққиёт қўёши томон мағрур кетиб бораяпти... орқасида эса эски турмушнинг вайрон бўлган иморатлари ётибди, дарғазаб шамол уни изига қайтариш учун соchlаридан, этакларидан тортқилаяпти, пана-панада илондай совуқ ва бадбашара қўллар унга тош отаяпти. Лекин у тўсиқларни янчидан ўтиб, аста-секин инсониятнинг ул олий даргоҳига кўтарилиб бормоқда... Бундай нокамтар хаёлларга борганим учун мени афв этинг, бироқ сиз шунга муносибсиз... Мен бунга сизнинг қўшиғингизни мана шу дарахтлар орасида туриб эшигтан куниёқ амин бўлган эдим. Назаримда, сиз бу ерларда жуда сиқилиб қолганга ўхшайсиз ё нотўғрими? Одам ўзининг баҳтсиз эканлигини аксарият ҳолларда билмай ўтади. Баҳтсизликни англаш учун уқув ва билим бўлиши керак, уни баҳтдан фарқлай олиш керак. Ахир одам ўз орзуси учун курашмаса ёки орзусиз яшаса, бу даҳшатку! Баҳт туйгузи бизга азалдан ўргатиб келишганлариdek, бола-чақа қўриш ва уларни вояга етказиш учун ўлиб-тирилиш эмас, баҳт — бани инсониятга ҳар ким қўлидан келганича хизмат қилишдир. Биз ёзувчилар асли омадсиз

одамлар бўлсак ҳам, мана шу йўлда баҳоли-қудрат хизмат қиласми. Мана сизнинг қўлингиздан қўшиқ айтиш келади, ўзбек аёли нималарга қодир эканини бошқаларга кўрсатиб қўйиш келади. Аммо сиз эркин эмассиз, қўшиқни ҳам ҳаммадан яшириб айтасиз — гўё бу айбдай, аслида мана шу энг катта баҳт — сиз мингларнинг қалбини хушнуд этиш учун дунёга келгансиз.

Муаззам ерга қараб турарди, у ҳеч нарса демас, бирон нарса дейишга ҳоли ҳам келмасди, Шамси Салоҳнинг сўзлари уни сеҳрлаб қўйган, турмушнинг аччиқ ташвишлари остида кўринмай қолган, бир пайтлар пориллаб очилган қизлик орзуларини яна кўнгил юзасига тортиб чиқарган, унинг хаёлини узоқ-узоқларга олиб жўнаган, сўниб қолган ҳаваслар фалаёнини қўзғаган эди. Унинг юзида шубҳа ҳам, ишонч ҳам, қўрқув ҳам аралашиб кетган эди; бироқ барибир кўнглининг бир четида бу гапларга нисбатан эндиғина ёришаётган тонг сингари умид туғилаётган эди. Улар дараҳтзорнинг қуюқ жойида тўхтаб қолган эдилар: тун дараҳтлар орасидан мўралаб, уларни кузатиб турарди, дараҳтлар енгил шитирларди: Шамси Салоҳ кўтариб олган ўтдан кўккат ҳиди анқирди — қандайдир қилпиқ — ўтдан тушган бўлса керак — бўйини қитиқларди. Шамси Салоҳ аёлларга бўлган муносабатини ҳамиша яшириб юради. Бироқ ҳозир гапларига маҳлиё бўлиб, ўзини йўқотиш даражасига етган мана шу қишлоқ жувонини қучгиси, унинг титраб турган лабларидан ўпгиси, бир жуфт қанотдек диркиллаётган, тепсинаётган кўкракларини ҳовучига олиб, олис-олисларга учиргиси, шу лаҳзаларда қон сели ниҳоятда тезлик билан айланаётган вужудни қўлларида кўтариб, сакраб-сакраб, айланиб-айланиб юргургиси келарди. Дараҳтзор, иккаласини этаклари остига яширган тун ва ҳам ҳаё, ҳам номаълум қўрқувдан караҳт бўлиб қолган, Шамси Салоҳнинг кўз олдини маёқдай ёритиб турган сулув жувон уни гоҳ гуноҳга, гоҳ гуноҳсизликка ўхшайдиган, инсон яралгандан бери кўр-кўrona шайдо бўлиб келган неларгадир чорларди. У ҳиссиётга ҳеч қачон берилмасди ва ҳиссий нарсалар унга ҳинд фильмлари руҳида тарбияланган ўн олти яшар хаёлпараст қизларнинг машғулотидай бўлиб туюларди — ўз ҳиссиётларини ҳам у ақлга, фикрга гарчи,

зўрлик билан бўлса ҳам бўйсундириб олган, шу сабабли унинг ҳиссиёти ҳам жуда усталик билан чархланган ва зеб берилган қиличга ўхшар эди. Энди эса ҳиссиётлари унга бўйсунмаётган, бўйсунишни истамаётганди ва бу ўзига ҳам алланечук ёқмоқда эди.

... Мовий осмонни нозлана-нозлана кезиб юрган ул кўк ҳилоли билан дараҳтлар орасида қисиниб-қимтиниб, юзида ҳаё ва андак ҳуркаклик бўртиб турган, ёноқлари яловдай ҳилпираётган бу аёлнинг қандай фарқи бор? Фарқи шуки, ул ҳилол осмонлик, буниси эса ерлик. Унисининг минг йиллардан бери ердан нимадир излай-излай юzlари заъфарон бўлиб қолган. Буниси эса оқшомни заррин нурлар билан безаган ул кўклик мусаввирага ҳасади келгандай атиргул барги янглиғ қизарган, гўё бу оқшомни юзининг қизил шульласи билан чўмилтириб, заррин ойни рашқ ўтида адо қилмоқчилик. Заъфарон юзи яна ҳам сарғайтиб-сўлитмоқчилик... Йўқ, бу келинчак ҳилодан ҳам кўра гулга кўпроқ монандири. У кимнингдир чорловини эшигган-у, бу чуркун дараҳтлар орасида пориллаб очилган, — ундан атрофга фурур ва эрк шуъалари тараляпти. Шунинг учун ҳам ҳилол унинг ёноғига ҳол бўлишни истагандек ётоғидан бош кўтарар-кўтартмас чўлнинг асов шамоллари тараб қўйган бу зебо чехрага шайдо бўлиб тикилиб қолган. Йўқ, бу аёл ҳаммасидан ҳам дилбар бир шеърнинг гўзал сатрига ўхшайди — бу ерлардан қачонлардир қандайдир даҳо шоир ўтгану, уни мулку фалак билан боғлаб турадиган учкур хаёллари ва мўъжизалар яратувчи тилидан тупроғи жизғанак бўлиб ётган саҳрои-биёбонга бу гўзал сатр бир томчи кўзёш янглиғ сирғалиб тушиб қолган. Ой эса шу гўзал сатрни излаб юрган ул шоирнинг ёни хотирасидир. Унинг ёнида қиличини тушириб қўйган баҳодирдай ақл ҳушидан айрилиб турган бу нозиктаъб, кибор сифат шоир ул гўзал сатрни ўқий олармикин? Тушунармикин?! Ундаги дардли сўзларни ҳис этармикин? Ёки бу гўзал сатр ўқилмас битикдек замонлар оша сирли ва мафтункорлигича жаранглаб қолаверармикин? Бу ерлик ҳилол шунчалар гўзалки, унинг олдида ул кўҳлик ҳилол чала туғилган гўдакнинг юзига ўхшаб қолади, ойга қараб туриб, ҳеч бир нуқсон тополмайсан, йўқ, йўқ, мана шу бенуқсонликнинг ўзи нуқсон эмасму? Ерлик ҳилол эса «нуқсон»

ва «бенуқсон» деган тасаввурларга бўйсунмайди, уни сўзлар ифодасига солиб бўлмайди, унинг номини эши-тиш биланоқ сўз ҳам, тил ҳам куйиб кетади...

Кейинчалик шу лаҳзаларни эслаб, мени Муаззамни қучиб олиш истагидан фақат уни чўчитиб юбормайин деган хавотиргина тўхтатиб қолганди, деб ўйлаганди. Ким билади, балки шундайдир, балки бу жувон бариг-бир бир куни қўлимга тушади деган ўжар бир ишонч қайтариб қолгандир. Балки, одамларга тез таъсири қила-диган, номини эшилтса, кўзларида эҳтиром уйғонадиган «ёзувчи» деган обрўсига путур етказишдан қўрққандир ёки чириган шохлари синиб, барглари тўкилганидан муштипар қиёфага кирган ва гира-шира қора кўланкаларга айланган қаровсиз дараҳтларга қара-ганда ҳам муштипарроқ бўлиб қолган, ўзининг ша-каргуфтторлигига рўйирост ишонган содда келинчак-нинг ҳаё, иффат ва нохуш сукунатдан ёрилиш арафа-сидаги шардек таранг бўлиб турганини кўриб, ўзи-нинг баландпарвоз хаёлларидан ва ҳаёсиз истагидан уялгандир. Орага чўккан бир неча сония сукутдан сўнг у ростдан ҳам ўзини босиб олди ва зоҳирий кўри-нишга ярашмаган юмшоқ ва ҳамдардона оҳангда:

— Бу ерда яшаш жуда оғирми? — деди ва ўзининг саволидан ўзи эзилиб кетди.

Муаззам индамади, фақат бош ирғади — Шамси Салоҳ аёлнинг кўз милкларида пайдо бўлган ва ой нурида ялтираб кетган кўзёшларини кўриб, кўнгли шафқат ва илтифот билан тўлди; Муаззам ҳатто бошини қўтариб қарамади, агар бирор нарса деса ҳўнграб йиглаб юборадиган ҳоли бор эди унинг.

— Сиз, бу ерлардан қадрингизга етадиган, орзунингизни рўёбга чиқарадиган кишилар орасига кетармидингиз, улар ёрдам қўлини чўзишса, бу ерлардан ке-тишга рози бўлармидингиз?

— Ҳа! — деди гўё бу таклифни қилаётган одам фикридан қайтиб қолишидан қўрққандай шошиб Муаззам. У жуда ҳам тўлқинланиб кетган эди, ҳали ҳеч ким у билан орзуларию армонлари тўғрисида бундай гап-лашмаган, дунёда иш, ташвиш, ўчок, қозон-товоқдан бошқа кўнгил деган нарса ҳам бор, деб айтмаган эди.

— Агар бирор сизни орзунингиздагидай баҳтга етак-лаб борса, нима қилган бўлардингиз, умуман, мен ро-зилик маъносида айтмоқчиман...

Муаззам ерга тикилиб турарди, у нималарнидир тушунмаётганга, нималарнидир англолмаётганга ўхшарди. Нега энди ҳозир, нега энди айнан, ҳозир, тунда, дараҳтлар орасида бу — ўзи тилга олишга ҳам, эслашга ҳам қўрқадиган нарсалар ҳақида гапираётганларига, нима учун сўраётганларига тушунмаёттан эди.

— Бир умр... бир умр дуо қилардим у одамни, — деб шивирлади у ўзига ўзи гапираётгандай.

Шамси Салоҳга бошқа нарса керак эмас эди. У Муаззамдан мана шу гапни олиш учун бир ҳафтадан бери атрофида гирдиқапалак бўлаётган, унинг кўнглини билмоқчи, бу соҳада қалбга қармоқ ташлаб кўрмоқчи эди. У ҳозир режаси бунчалик осон амалга ошганидан баҳтиёр ҳам эди, энди буёғи аниқ — қишлоқнинг чангидаги оёқлари ёрилиб юрган сулувни санъат маликаси қиласди.

У юлдузлари пирпираб турган салқин кечада узоқ кезди, тун ҳозиргина ўзини масъуд этган келинчак янглиғ сирлилиги ва фасоҳати билан унинг қалбини сирқиратар, оғритар, уни ҳислар қуюнига ташлар эди. У ичига кириб олган ким биландир хаёлан олишар, мунозара қиласар, тортишар эди. У ҳозир вужудида туғилаётган нарсаларни шеър қилишни истар, кўнглига кеча қаъридан, юлдузлар шуъласидан сим-сим сатрлар оқиб тушар эди. «Сен, — деб мурожаат қиласар эди у хаёлан кимгадир, — ёввойи ўтлар орасида ўсган гулсан. Сен кўзда қалқиб турган бир томчи ёшсан... Сен баҳти бўлишинг керак, сен ер юзига фақат баҳтли бўлиш учун келгансан, сенинг овозинг одамзодни гўзаллик ва хаёлот ўлкасига бошлаб бориш учун инъом этилган. Сен табиатнинг энг дурдона ва ноёб на мунаиссан, сени табиат фақат гўзал нарсалар учун яратган. Сен — одамлар миллион йиллардан бери излаб келаётган оҳангсан, бу оҳангни дунёнинг ёвуз кучлари янчишга, йўқ қилишга уринадилар, лекин сен тобора янграйверасан, сен — гуллар тимсолида, тошдан-тошга сакраб югуряётган зилол сувли жилгалар, эндигина бош кўтарган майсалар, тонгги шудринг, кечки шафақ тимсолида одамлар қаршисида пайдо бўлаверасан...

... Кўй, уни ташла, дунёнинг бу азалий икир-чикирларидан воз кеч, сен ҳамма нарсадан, ҳатто дунё-

дан ҳам устун турувчи илоҳасан. Сен фақат ардоқла-нишга, эъзозланишга ва фарогатта муносибсан.

О, кел, менинг кўнглимни тўлдир, тезроқ кел, дунё то сенгача ярим эди. Сен уни тўлдир, майли, менинг кўксимни босиб ўт, майли, менинг танамни поёндоз қил, фақат сен юрган йўлларда гуллар кўкарса бўлди, сенинг овозингни эшитиб, чечаклар бош кўтарса бўлди, сенинг овозингни эшитиб дунё хушёр тортса бўлди...

... Кўраяпсанми, ерни туртиб-туртиб майсалар бош кўтаряпти, куртаклар чириган пўстлоқни ёриб чиқаяпти, фунчалар очилаяпти — булар ҳаммаси бир лаҳзада бўляяпти, чириган, сўлган, пайдон қилинган гуллар қайта барг ёзаяпти, бое турли ифорларга бурканаяпти, дараҳтлар новда тугаяпти, ёмғир ўзига камалақдан либос тикаяпти — бари сени қўшифингдан, сенинг илоҳий овозингдан, сен оҳангларни ёндирган оҳангсан, сен тун қўйнида ловуллаб турган алангасан!..

... Ана сен дунёни кулгунг билан тўлдирмоқчилик, қиқирлаб куляпсан, юзингдан жилваланиб-жилвала-ниб оҳанглар тараляяпти. Ана сен қизғалдоқлар ичида югуриб бораяпсан, эгнингда оқ, ҳарир кўйлак, бошингда қизил дурра... йўқ... йўқ, бу дурра эмас, қизғалдоқнинг бир дона барги, эгнингдаги кечагина гуллаган ўрикнинг либоси...

... Ана сен билур зиналардан юксакликка кўтари-ляяпсан... оёқларинг остида баҳтнинг, шон-шавкатнинг суюклари сочилиб ётибди — сен, ана, бу қадимий зулмат ва сокинликни овозинг билан тилиб бораяпсан — овозинг ёниб бораяпти, бу сахрода ўз номини йўқотган ва номсиз нарсаларга ном бераяпти, исм бераяпти, адашган дунёни яна ўз ҳолига қайтараяпти... Сенга мусиқанинг кераги йўқ, сенинг овозингта фақат юлдузлар куй басталай олади... Кўзларингни очиб юмишинг тун билан тонг алмашишига ўхшайди — киприкларинг тонгги юлдузлардек ярақлаб кетади — қани эди кўзларинг айвонида ухлаб ётган киприклардан биттаси мен бўлсам... Йўқ, сенинг маконинг ер эмас, сен фалак қизисан... Сен ой курсисидан ерга шафқат билан боқаётган фариштасан, сен ҳурлик фариштасисан, сен орзунинг, хаёлнинг суратларини чизиб бериш учун бу дунёга келгансан...

Ой кўк денгизида қип-яланғоч сузид юрарди. У ташқарига гулхан ёқиб, ҳашарчилар қандайдир рок

музикага диконглашаётган шийпон томон борар экан, яқин кунларда бошланажак янги ҳикоя ҳақида ўйларди. У билан тун ҳам далалар узра қадам ташлаб юрар, сарпо кийиб олган қора пўстинда зарҳал зираклар ялтиради.

V

Шамси Салоҳ Муаззам ҳақида ўйлайвериб, уни сал бўлмаса хўрлик ва жабринг тимсолига айлантириб қўяёзган эди. Уни аянчли мұхит ўраб олган, деб ўйларди, уни ҳеч ким тушунмайди, «худди мени тушунишмагандек». Эрини эса хотинининг бахти ҳам, бахтсизлиги ҳам қизиқтирмайди, у Муаззамга азалий ота-боболариdek сочи узун деб қарайди. У мана шундай — ишга бориб, ишдан келиб, яна эрталаб ишга кетиб яшаса бўлди, худди ҳашаротдай, худди қуртдай. Аянч! Мудҳиш! Муаззам ана шундай эркак билан яшашга мажбур, унинг орзулари, овози бу хил яшашнинг қурбони бўлиб кетаверади, бир куни қараса у ҳам бир-биридан инжиқ, бири-биридан нимжон болаларнинг онаси, ҳамма оналарга ўхшаб ўзбилармон, шанғи, вайсақи, бир гапга минг гап билан жавоб берадиган жағ-жағ аёлга айланади. Бу унинг муқаррар қисмати. Уни бу зулматдан озод қилиш кепрак. Улуғ мақсадлар билан яшаётган мұхитга олиб кириш керак.

Муаззам унинг барча хаёллари ва ўйларини остинустун қилиб ташлади: ҳали қизлик нафосати ташлаб кетмаган бу аёlda яшириниб олган улуғ режаларни кўрди. У Муаззамнинг содда, самимий гапларидан бирдан ўзини йўқотиб қўйди. Ҳали ўн тулидан бир гули очилмаган келинчакнинг гапларидаги ишончсизлик ва умидсизлиқдан ларзага келди, (у кейинчалик «ларзага келдим» деб эслаганди) Шамси Салоҳнинг вужудида ҳомийлик, фидойилик туйгулари жўш уриб кетди, у бу келинчакка нажот йўлларини кўрсатмоқчи, уни «орзулар ўлкаси»га, маданият ва санъат гулшанига етаклаб чиқмоқчи бўлди. У турмуш эзиб ташлаган, эрининг инжиқлик ва қўполликларидан беҳад кўп зуғум кўрган жуда ҳам ёввойи мұхит билан қуршалган ёш аёлни янги ҳаёт саҳнасига етаклаб чиқиши маданий дунёда қанчалик шов-шувга сабаб бўлишини кўз ол-

дига келтириб, хушвакт жилмайиб қўйди ва Муаззамни театр саҳналарида, залларда, кўчаларда мухлислар оломонининг хушомадона чехралари ичида ял-ял яйраб кетаётганини ҳамда ҳар бир бурчакда пойлаб турган олқишилардан ва шон-шавкатдан бир оз эсанкираган Муаззамнинг ўзининг елкасига бош қўйиб, миннатдорона тикилиб, қувонч ва саодатдан силкиниб-силикниб йиглаётганини хаёлан тасаввур қиласди; Муаззам йиглаб термулар экан «Булар бари сиз туфайли, сиз бўлмасангиз шу кунларга етмасдим» деб шивирлайди... Булар бари роҳатбахш хаёллар эди. Лекин айни пайтда у ўзининг айнан ана шунга аҳд қилганини ва бу йўлдан ўзини ҳеч ким энди қайтаролмаслигини ҳис этарди. У ҳар қандай тўсиқни босиб, енгиб ўтади, мана шу эзилган, мана шу хўрланган жувон ҳаққи, уни саодат беҳиштига олиб чиқади, юзини тўсиб турган қора булуғларни суриб ташлаб, тонг юлдузи каби санъат осмонига кўз-кўз қилиб, илиб қўяди.

Муаззамни кўргандан сўнг негадир ўзига ёқмай қолган ювошгина Отакул унинг энди ғашини келтира бошлаганди. У Отакулдан жоҳил эрларга хос бўлган хислатларни излар, баъзан кечқурун дараҳтзорни айланиб юрар экан, сигир суғориб юрган Отакулга дуч келар ва бош иргаб саломлашиб индамай ўтиб кетарди. Охири у Отакул билан учрашишга, кўнглидаги барча гапларни гаплашиб олишга, уни ундан кўришга, кўнмаса пўписа қилишга аҳд қилди. (Назарида Отакул бошқача усула кўнмас эди). Хуллас, ҳар қандай йўл билан бўлса ҳам Муаззамни бу муҳитдан суғуриб олишга қарор қилди. У Отакул билан дараҳтзорда икки марта учрашиб қолдию лекин журъят этолмади. Бунинг учун ўзини ўзи еб қўйди, эртасига қандай бўлмасин, қандай шароит түғилмасин, унга ҳаммасини айтаман деб қарор қилди. У ҳамиша тўғридан-тўғри ҳаракат қилишга ўрганганди, нишонни узоқ мўлжалга олишини у ўзига эп кўрмасди.

Отакулни кечқурун шийпон олдида театрнинг хўжалик ишлари мудири билан бирга учратди. У узоқ кутиб турди (улар қандайдир қоғозлар тўлдиришарди), Отакул мудир билан хўшлашиб, нарироқдаги мотоциклни томон юра бошлагач, у тўсатдан уйғониб кетгандай, тез-тез юриб унинг қархисига чиқди.

— Сиз билан икки оғиз гаплашиб олмоқчи эдим, —

деди у Отакулга дадил тикилиб. — Вақтингиз бўлса, хонага кирсак.

Отакул унга ажабланиб қараб турди-ю, лекин унинг измига бўйсунди. Шамси Салоҳ ва театрнинг обрўлироқ артистлари шийпоннинг бурчагидаги хонада тўрт киши бўлиб туришарди. Ҳозир хонада ҳеч ким йўқ эди. Ўртада қўлбола стол, икки четида газета тўшалган иккита узун ёғоч ўтиргич қўйилган эди. Шамси Салоҳ, Отакулни ўтиришга таклиф қилди. Сўнг орага ноқу́лай сукунат чўкиб, ўзининг гапдан янгишиб қолишидан қўрқиб, бирдан гап бошлади, аниқ мўлжалга уриш ва бу боки беғам, ювош одамга бўлган разабини ҳис қилиб туриш учун Отакулдан кўз узмай турди.

— Сизга айтадиган биринчи гапим шуки... яъни нима десамикин... бу анча нозик масала... Лекин мен келин билан гаплашдим. У рози... фақат сиз кўнмасангиз керак деб қўрқаяпти...

Отакул баҳайбат ва қўпол қўлларини столга қўйиб, омонатгина ўтирас, ўзининг бесўнақай гавдасидан хижолат тортаётгандай эди. Шу сабабли унинг гапини яхши англомади.

— Ким? Нимага рози? — сўради у талмовсираб, бегамроқ юзида бирдан диққат акс этди. Шамси Салоҳга ҳайрат тўла кўзларини тикди.

— Ким дейсизми? Келин — Муаззам... у ўқишини давом эттирмоқчи, жуда яхши овози бор экан, бу ердаги ҳурматли ва таниқли одамларнинг ҳаммаси ёътироф этајпти — бунақа овоз камдан-кам кишига насиб қиласи — уни парвариш қилиш керак... халқ учун... одамлар учун... унинг эса бу ерда боши икир-чикирдан, меҳнатдан чиқмайди. Шундай истеъодни сиз одамлардан яшириб, бўғиб ўтирибсиз. Биз унга ёрдам бермоқчимиз... ўқисин, ўргансин...

Отакул аввал тушунмаётгандек, унга бепарво қулоқ солди, сўнг нима гаплигини англагач юзида бирдан қаҳрга ўхшаш ифода пайдо бўлди. Шамси Салоҳнинг назарида унинг икки ёноғида иккита тифи ўткир ханжар жаранглаб очилиб кетганга ўхшади— кўзлари катталашиб, қораҷиклари ўйнай бошлади, юзида безовталик, норозилик жилваланди.

— Сиз унинг кўнглини эшитмай қўйганмисиз. Унинг кўнгли озодлик истайди, қўшиқ айтиш— унинг учун ҳаёт. Сиз эса одамлар гап-сўз қиласи деб уни бу

ҳаётдан маҳрум қилиб қўйибсиз... Сиз ўқиган йигитсиз. Уни буғманг, у озод бўлсин, у баҳтли бўлсин, истаганига эришсин, у билан келажақда бутун ҳалқимиз фаҳрланиши мумкин. Сиз эса уни уйга қамаб олгансиз...

— Мен нима қилишим керак? — деб унинг гапини бўлди қўрслик билан Отақул. У сұхбат мавзуидан жуда норозига, оиласига тегишли ҳар қандай масалани бирорвларнинг иштирокисиз ёлғиз ҳал қилишга ўргангана, Шамси Салоҳнинг гапларидан ғаши келаётганга ўхшарди. Унинг овозида қутқу бор эди. Шу нарса Шамси Салоҳни бир оз ғазаблантириди.

— Сиз унга эркинлик беринг, уни мана бу пахтангизга аралаштираманг. У шаҳарга кетсин, ўқисин, овозини тарбия қиласин...

— Ахир, бу мумкин эмас. Оиламиз, боламиз бор. Мен эса кетолмайман...

— У шаҳарда бир умр қолиб кетсин ёки боласини ташласин, деб айтиётганим йўқ бу гапларни. Мен сизларни ажратмоқчи эмасман. Фақат унинг ўқишига, овозини парвариш қилишга шароит яратиб бериш керак демоқчиман. Сиз уни қўллаб-қувватлашингиз керак...

— Агар рози бўлмасам-чи — деди Отақул тўсатдан тўнини тескари кийиб олиб Шамси Салоҳнинг жигифга тегмоқчилик жizzакилик ва беписандлик билан.

— Унда ўз хотинига феодалларча муносабатда бўлаяпти, дипломли феодал, ўрта аср ақидалари тарафдори деб газетада уриб чиқамиз...бу ёфини ўзингиз биласиз... ўйлаб кўринг.

Отақул хўмрайиб олди. У табиатан босик, оғир бўлгани билан ҳозир худди ўш болага ўхшаб қизариб кетган, сал ишора бўлса жанжал чиқаришдан қайтмайдиган ҳолатда эди; лабларини жаҳд билан қисиб олганди; қаршисида ўтирган, ҳашарчилар ўртасида алланечук обрўга эга бўлган, совхоз раҳбарлари ҳам хушомад билан гаплашадиган, ўзи асарларини ўқимаган бўлса ҳам «ёзувчи» деган номи бор киши тургани учун ўзини зўрга босиб, одоб доирасидан четта чиқадиган бирон гап гапириб қўймаслик учун тилларини тишлаб тургандек эди.

— Тўғри, сизни ҳам тушунаман, — деди Шамси Салоҳ унинг жуда товсилланиб қолганини кўриб, —

сизнинг эрлик ҳуқуқингиз бор, шу сабабли ҳар нарса қилишингиз мумкин. Гап шундаки, барча эрлар каби ўжарлик ёки қалтабинлик қилсангиз, катта бир истеъодони тириклай қурбон қилган бўласиз. Бу гапларни сизга айтиш менга ҳам қанчалик оғир эканлигини тушунарсиз деб ўйлайман, сизга ҳамма нарсага ақли етган, оқ-қорани ажратадиган кишига мурожаат қиласиз. Сиз оз бўлса ҳам шаҳар кўргансиз; ҳеч қурса, киноларда, театрларда кўргансиз. Ахир биз қачонгача Европадан ўрнак оламиз, уларни ўқиб ўрганимиз, санъат, жасорат деганда уларни мисол қилиб кўрсатамиз?! Хўш, ўзимизда нега йўқ?.. Сабаби минглаб Муаззамлар оила ботқоғига ботиб, кўринмай ётибди, мана бунақа ташвишлар улардаги табиат инъом этган истеъоддарни еб битираяпди. Туғиш, қозонтоворқ, дала ишлари, гийбатлар, уйдирмалар — қанчалик кўп аёлларимизни қурбон қиласиди дейсиз. Тузуккина қобилияти бор аёлларимиз бир бола туғади-ю, сўнг ҳаммасини унутади; кейин қуёнга ўхшаб ҳар иили туғаверади, туға-туға, азбаройи арвоҳга айланади — жоҳил эр, қора турмуш, чирқиллаб турган болалар — мана бизга Европага етиб олишимизга нима тўсқинлик қиласиди? Буюк, улуғ, даҳо, гўзал деган сўзларни негадир фақат уларга ишлатамиз, ўзимизга келганда мум тишлиб ўтирамиз. Буюклик учун одам ўзини, зарур бўлса оиласини ҳам қурбон қилиши кераклигини тушунмаймиз. Сиз, албатта, менинг гапларимни тушунмайтгандирсиз?!

Отакул узоқ индамай, оёғининг учларига қараб ўтироди. Унинг нимадир дегиси келар, лекин озгин ёзувчининг оғзидан ўқдай отилиб чиқаётган савлатли гаплар уни аввалига шаштидан туширган, бу гапларда жон борга ўхшар, ишонгиси келар, кўнглининг бир четида қандайдир бир ҳакам «булар ҳаммаси ёлғон, булар ҳаммаси ёлғон» деб шивирлар, бу савлатли гапларда ҳам алланечук зўракилик, ясамалик борга ўхшаб туюлади.

— Муаззам бу турмушдан жуда безган. Бу дим ва жазирاما далалар, уни ҳеч қачон тушунмайдиган қўпол-тўрс одамлар, қайсиdir ёввойи замонлардан сақланиб қолган ёввойи удумлар, кейин сизнинг мана бу хирмон ташвишларингиз ҳаммаси жуда жонига теккан, юраги безиб, жуда кўркам орзулари туфайли одам-

лардан ажралиб, ёлғизланиб қолган (у Муаззамни айнан шундай тасаввур қиларди). Бу ер унга дўзахдай гап. Наҳотки сиз буни сезмаган бўлсангиз. Ахир айтишича, у сизга ана шу орзуларини деб турмушга чикқан экан, шекилли..

— Менга бу ҳақда ҳеч қачон гапирмаган... — тўнғиллади Отакул.

— Шундайми? Буни қўшиқ айтган пайтлари ҳам сезмаганмисиз..

— Бизда ҳамма аёллар қўшиқ айтади.

— Йўқ, йўқ. Сиз чалкаштирманг. Муаззам бошқача, у ўша — чилдирмани пақа-пақ уриб жазавага тушадиганларга сира ўхшамайди. Унинг овозида ҳақиқий қўшиқлардагина бўладиган маром бор. Муҳими, музикага қобилияти бор — буни, дарвоҷе, сиз яхши биласиз. Агар у ҳам сиз айтаётган аёлларга ўхшаганда, мен бунчалик куйиб-пишиб ўтирамасдим..

Отакул унга тўрсайиб тикилиб турди-да, яна кўзларини олиб қочди. У «сиз бу нарсаларни қачон билиб ола қолдингиз, наҳотки, Муаззам шунча нарсани сизга айтиб берган бўлса?» деб сўрамоқчи эди, бироқ тили бошқа нарсани гапириб юборди:

— Унда шаҳарга бориш шартми?

— Албатта, — Шамси Салоҳ ичидаги болибона энтишиб қўйди, — бусиз унга шароит яратиб бўлмайди, — ахир чўлда санъатга эмас, кўпроқ пахтага эътибор зўрлигини менсиз ўзингиз яхши биласиз.

Отакул узоқ жим қолди. Сўнг ўрнидан турди-да, индамай эшикка қараб йўл олди.

— Ҳа, — деди Шамси Салоҳ қўрқиб кетиб, — нима бўлди сизга?

У эшик олдига бориб тўхтади, каловланди, нимадир дегиси келди, яна иккиланди, ниҳоят ўзига келиб, Шамси Салоҳга эътиборсиз кўз ташлади.

— Мен ўзи билан гаплашишим керак, — эшик тарақлаб ёпилди; Отакул сўнгги дақиқаларда одоб ҳақида ўйламай қўйди: бу Шамси Салоҳга заррача таъсир қилмади, аксинча, фазабини ошкора намойиш қилиб, ожизлигини билдириб қўйған Отакулнинг устидан ичидаги кулди: «Ҳа, булар ҳаммаси ёввойи, — деб ўйлади у, қизик, қандай яшашаркин, бундай зерикарли мақсадлари билан. Бола бок, сигир бок, кўшниларнинг товуғини ҳайда, уй сува, ўтин ғамла... Мен бун-

дай турмушдан кўра тарс ёрилиб ўлишни афзал кўрган бўлардим».

— Тўнка, — деб гулдиради у товуш чиқариб, кимни назарда тутаётганини ўзи ҳам билмай.

VI

Шийпон олдида чангта беланган қизил енгил машина туарди; машина атрофида ясан-тусан қилиб олган Исмоил Али, хўжалик мудири ва гуруҳ ҳисобчиси қорин қўйган, бақбақаси осилиб қолган, шляпаси пачоқ киши билан унга қараб имлашарди; улар қаергайдир шошаётгандай эди.

— Э, қаерларда юрибсиз, — деди Исмоил Али уни чақириб, — ярим соатдан бери сизни кутамиз.

Шамси Салоҳ нима гап дегандай уларга кўз учидагаради.

— Сизларни тўйга айтиб келдим, — деди семиз киши Исмоил Алининг гапларидан сўнг мўътабар одам бўлса керак деган ўйда у билан ялтоқланиб кўришар экан. — Сизларни кутишаяпти.

Тўйга бало борми ҳозир, — гулдиради хўжалик мудири Шамси Салоҳга ёқадиган гап қилиш учун. Лекин унинг тўйга жуда боргиси келаётгани шундай юзидан кўриниб туарди. — Олдин паҳтани терсин, кейин яхшилаб, иккаласини бир қилиб тўй қилишади.

— Куёв тоғлик, — деди семиз киши, — улар паҳта деган нарсаларни билмайди. Биз ҳам айтдик, лекин қари отаси бор экан, кексалар рози бўлишди.

Шамси Салоҳ орқа ўриндиқча ўтирас экан, машина эгасининг ошқозони касаллигини билди — унинг оғзидан чиққан бадбўй ҳид машина ичини туттан эди. У токи қишлоқча киргунларича, ҳидини сезмаслик учун нафас олмасликка тиришиб, терлаб, бўғриқиб кетди.

Уларни шинам ва кенг хонага олиб киришди. Хонага киргачгина Шамси Салоҳ бир оз эркин нафас олди.

Хонадаги уч-тўртта киши уларни кўриб, ўринларидан туришди, ҳурматларини жойига қўйиб кўришишди. Шамси Салоҳ уларни бир-икки бор «ҳормангга» борганда учратган, булар шу қишлоқнинг мансабдорлари эканини биларди.

Дастурхонни уч-тўрут хил ноз-неъмат тўлдириб ту-

рарди — катта шокосаларда шўр помидор ва бодринг, минерал сув, бўшаб қолган учта ароқ ва сопол лаганда қоврилган ҳамда қайнатилган гўштлар пала-партиш териб қўйилган эди. Улар ўтириши билан гўшт, ичимлик сув ва ароқ янгиланди, уларга манзират бошланди. Шамси Салоҳ оз-оздан, лекин ҳузур қилиб ичишга ўрганганди. Уни кузатиб турган одам чой хўплаяди деб ўйлаши мумкин эди. Ҳозир эса чанг ва кир-чирларининг ичидан чиқиб келган ўпкасига ароқ майдай ёқар ва у кўпам мулозамат қилдирмай пиёлаларни бирин-кетин оларди. У ўзига Ислом Али алоҳида эътибор бераётганини сезди. Ислом Али негадир уни ўзига яқин олар, драмаларини ноҳақ танқид қилган баъзи кимсалардан чинакам хафа бўлиб, унга ёрилар ва бизнинг танқидчиларда ҳали савия йўқ дерди. Шамси Салоҳни эса саводли, дунё маданиятидан хабардор, ўзига маслакдош деб биларди. Ҳашарчиларнинг чуддироқ ёвғонларидан кўнгли айнитган пайтлари уни қаёқдан-дир маҳсус буюртма билан олиб келинган ҳуфёна таомлар билан сийлар эди. У бу ердагиларнинг кўпи билан жуда қадрдан бўлиб қолган, уни ҳашарчилардан ҳам кўра совхоз раҳбарлари кўпроқ ҳурмат қилишарди. Шамси Салоҳ уларнинг апоқ-чапоқ бўлиб ўтирганини кўриб, Ислом Алиниң ҳам манави амалдорларга жуда ўхшаб кетишини англаб қолди; ялтоқлиги, қув кўзлари, гапириш усуллари... қорнини селкиллатиб кулишлари. Бу қадар ўхшашлиқдан Шамси Салоҳ ҳатто ҳайрон ҳам бўлди.

— Буларга эътибор қилманг, — деб шивирлади у Шамси Салоҳнинг қулоғи тагида. — Агар ҳар бир нарсага эътибор берсангиз инфаркт бўлиб қоласиз. Булар ҳали ёввойилиқдан тўла халос бўлмаган.

Шамси Салоҳ, унинг «ҳайвоидан» демоқчи бўлганини ва ўзидан истиҳола қилиб, маданийчасига «ёввойилиқдан» деганини сезди.

— Қачон кетамиз, — деди Шамси Салоҳ, бу даврада ўзининг юраги сиқила бошлаганини ҳис қилиб.

— Қачон келиш биздан, лекин кетиш булардан, — деди Ислом Али ўзини ҳар қандай урф-одатни ҳурмат қиласигандай қилиб кўрсатиб.

Шамси Салоҳ маъқул дегандай бош силкиди ва узр сўраб, кенг айвон орқали ташқарига йўл олди. Унинг изидан ёшгина кўк беқасам тўн кийган йигит

ҳам чиқди. Қишлоқдаги уйлар лойсувоқ, кўримсиз ва чапараста қуриб ташланганди. Шамси Салоҳ гўнг ҳиди келиб турган шилта оралаб ўтар экан, ёш йигитга қўл силкиб жавоб берди: «Кетаверинг, ўзим эплайман...»

Кеча қуюқ сиёҳ рангта тўлган, юлдузлар чараклар, ой тоғ чўққилари ортида бир тилим қизил ёғду таратиб чиқиб келарди. Қўшни уйда қизларнинг қиқириқиқир кулгуси ва пўк-пўк урилган доира овози эшитиларди. Уйнинг олдида қозон ва самовар қайнар, хотин-халажлар, болалар қий-чув қилишар, уч-тўртта одам уй орқасида турган автобусга, келиннинг сеплари бўлса керак, юк ташишарди.

Шамси Салоҳ томирини ёзиш учун уйнинг орқасига айланиб ўтар экан, чилдирма товуши келаётган деразадан бирдан таниш овоз эшитилди. У овоз аввал нимадир деб кулди, сўнг чилдирма қаттиқ-қаттиқ урилди ва у кутгандай қўшиқ бошланди. Шамси Салоҳ турган жойида деразага қараганча, таққа тўхтаб қолди, — дераза сарғиш парда билан тўсилган, пардага дамо-дам лоп-лоп кўланкалар тушарди. Келин шу уйда бўлса керак деб тахмин қилди Шамси Салоҳ. У ерда таниш овоз худди биринчи кундагидай, эркин, бироқ бироз шўхчан, ўйинбоп қўшиқни чертиб-чертиб айттар, қизлар унга жўр бўларди. Шамси Салоҳ овоздаги ширани, маромни ва ўта тиниқликни яна бир бор ичичидан ҳис этди. «Кўряпсанми, ерни туртиб-туртиб, майсалар бош кўтрайти... — бир неча кун олдин унинг хаёлига келган ва уни ҳаяжонга соглан сўзлар яна хаёлига қалқиб чиқди — ...бари сенинг қўшиғингдан, сенинг илоҳий овозингдан, сен оҳангларни ёндирган оҳангсан, сен тун қўйнида ловуллаб турган алангасан!..» У яна юрагида нимадир тиниқлашганини, сўз ва оҳанг қалбини сирқирата бошлаганини англади — бу ҳолатни у илҳом лаҳзалари деб атарди... Бу қўрмагур келинчак ўзига шайдо бўлганларни бунчалар куйдиришни кимдан ўрганди экан?! У қўшиқка момоларнинг нафасини, боболарнинг шукухини беришни қачон ўргана қолди экан? Ё унинг қонида бормиди бу улуғвор мискинлик, бу улуғвор товушлар?! Эмраниб-эмраниб куйлашни қачон, кимдан ўргана қолди? Ишқилиб, бу аёлларга тўзим берсин. У йигласа тош ҳам йиглайди, у куйласа, тош ҳам куйлайди, у газабга келса, тоғ ҳам тиз чўқади. Ишқилиб, тўзим берсин! У

Сариқ пардали деразадан оқиб чиқаётган қўшиқни ву-
жудига сингдириш учун бутун шуурини қулоққа ай-
лантириб, қотиб туар экан, қўшиқдаги мустар бир
оҳанг унинг хотирасининг бир бурчагини бирдан ёри-
тиб юборди. Хотиранинг бу унут бурчагида бир қучоқ
ўтин ортмоқлаб олиб қиялиқдан пастга тушиб келаёт-
ган кампир ва тери қулоқчин кийган озғин бола акс
этди. Кампир чўлоқдана-чўлоқдана қийир тошлар со-
чилиб ётган сўқмоқдан ялангоёқларини зўрга кўтар-
ганча қандайдир қўшиқни хиргойи қилиб тушиб ке-
лар, момосининг униқиб қолган калишини қўлларига
кўтариб олган озғин бола эса унга етиб юраман деб,
қоқилиб-қоқилиб кетарди. Момосининг сўнаётган фо-
нусдай хира ва ёшли кўзлари олис-олисларда кўрина-
ётган чўққи ва қирларга қадалган, гўё бу кўзлар узоқ-
узоқларда — йиллар ортида қолиб кетган умрини шу
чўққилар орасидан излаётгандай, қўшиққа монанд
пирпираб-пирпираб кетарди.

— Бу қўшиқни эслаб қол, — дерди кампир улар
қиялиқдан тушиб, қишлоқ яқинида ёрилиб қолган то-
вонидаги тошларни териб ташлаш учун елкасидағи ўтины
ерга қўйиб ўтирар экан, — бу қўшиқни ота-бобола-
римиз бизга набираларингта етказинглар деб ўргатган,
сен ҳам яхшилаб ёдлаб ол ва бир куни мендай бўлга-
нингда набираларингта айтиб берасан. Бу одам ҳақида-
ги қўшиқ. Одамлар ўлиб кетади, лекин қўшиқни айта-
диган янгидан-янги зурёдлар дунёга келади, улар бу
қўшиқни кейинги зурёдларига етказадилар, шундай
қилиб одамлар ўлиб кетаверади, лекин қўшиқ ўлмай-
ди...

Шамси Салоҳ қалбини соғинч, оғриқ ва қўмсашибга
ўхшаш ҳислар қоплаб олди. У ўша озғин боланинг ўзи
ва ҳамиша ялангоёқ юрадиган кампирнинг момоси
эканлигини эътироф эттиси келмаётгандай, хотираси
олдида бир зум тараффудданиб қолди. Момоси айтган
қўшиқ унинг эсида қолмаган — у бу қўшиқни қачон
унуттанини эслолмасди, лекин момосининг гаплари ва
қўшиқ оҳангি хотирасида михланиб қолганди; сариқ
пардали деразадан эшитилаётган қўшиқ балким, ўша
қўшиқдир?! У момосининг қўшиғини унуттанидан бир
оз уялди, бироқ бирдан кўнгли хушнуд бўлиб кетди,
қизиқ, кимдир момолар айтган қўшиқни унугтиши мум-
кин, уни умри давомида қайта эсламаслиги ҳам мум-

кин, бунга зарурат ҳам сезмаслиги мумкин, аксарият унутиши мумкин, лекин кимдир унутмайди.

У қўшни уйнинг қоронги бурчагида ўзини анчадан бери кузатиб турган одамни тўсатдан кўриб қолди — у одам икки-уч марта дераза ёнига келди, сўнг журъат қилмай, яна бояги қоронғу жойига қайтиб кетди. У дераза ёнига борганда Шамси Салоҳ хира-гина шуълада лип этиб кетган барабаста гавдани илфади. Аввалига, кимдир ўзини айб иш устида қўлга туширмоқчидаи пойлаб юрганидан аччиғи келди, бироқ унинг Отакул эканлигини билгач, кўнглида ўжар бир сурбетлик уйғонди. У ҳозир дераза олдига боргиси, Отакулнинг кўз олдида Муаззамни гапга туттиси, ҳозиргина айттан қўшиғини яна қайта айтиб беришни илтимос қилгиси, бу юввош, мўмин эрнинг фурури билан ўйнашгиси келди. Лекин бу қалтис ўйин эди; уни истиҳола тўхтатиб қолди. У ортиқча шубҳа уйғотмаслик учун тарқай бошлаган меҳмонлар олдига қайтиб кирди. Исмоил Алининг хурмачаси тўлган эди; маст бўлганда яна ҳам ялтоқона кўринадиган кўзларини унга «қаерларда юрибсиз» дегандек тикидиди.

Машина яна ўнқир-чўнқир йўллардан шийпонга қайтди. У кейинчалик ўша тун қўйнида сариқ пардали дераза остида туриб қўшиқ эшитган лаҳзасини кўп кўмсаганди; бу хотира кейинчалик ҳам уни Муаззам қолиб кетган ўша тундаги олис манзилга тез-тез бошлаб келар эди.

Мана, ниҳоят, яна шийпон, ҳар хил мушку анбар, балогат, аёл ҳидига тўлган карталар орасидан торгина йўлак, босинқираш, фингшиш, танқидчи савиаси ҳақида мастона жаврашлар — қани буларга ялангоёқ, юрадиган момонг тўғрисида бирон нима деб кўр-чи, сенинг ҳақингда бирдан бошқача фикрлай бошлашади — уларни сен қобилиятлисан, чўрткесарсан, асарларингта ақллари етмайди, шу сабабли иқтидорли бўлса керак деб, чўчишади, сенинг улуғ ёзувчиларга тақлид қилиб айтган фикрларинг уларни шошилтириб қўяди, сен эса ўзингни яна ҳам сирлироқ, жумбоқлироқ қилиб кўрсатасан — бирдан ҳамманинг сенга ҳурмати ошиб кетади; мана нима зарур уларга! Уларга шу пайт момонг ҳақида гапиришинг нақадар, кулгули!

Унинг юрагини мубҳам бир ғашлик чўлғади ва Исломий Алиниң адабий олам ҳақидаги навбатдаги ширали қироати остида у алоҳа уйқуга кетди.

VII

Шамси Салоҳ даладан эртароқ қайтиб хонасида «янги асар» устида ишларди. Ниманидир ўйлаб хона бўйлаб юрар, бир нуқтага тикилиб, бир зум тек қотар, катта пушти дафтарга гажақдор ҳарфларда, бежирим қилиб неларнидир ёзар, деразадан дарахт шохларида ўйноқлаётган чумчукларни кузатар, хаёлга ботган кўйи яна хона бўйлаб айланар эди. У жуда паришонлигидан эшикнинг эҳтиёткорлик билан тақиллаганини ҳам аввалига эшитмади. Эшик икки-уч марта қайта чертилгач, у таққа тўхтаб, эшикка қаради, юзидағи диққат ва хаёлчанлик йўқолиб, малол келгандай: «Очиқ, кираверинг», деди. Секин очилган эшиқдан бироз ҳадиксираган, бўғриққан ва қизарган Муаззам кўринди.

— Муаззам! — Шамси Салоҳ шаҳдам қадамларда унга пешвоз чиқди. У ҳамиша бу сўзни айтганда негадир энтиқиб кетар, юрагига ширин эспин оқиб киради. Шунинг учун у Муаззамнинг номини ичидатакрорлашни, баъзан хаёлан ҳам мурожаат қилишни жуда яхши кўрарди.

— Келинг... қандай шамол учирди? — деди у Муаззамнинг кўзларига тикилиб.

— Мен... мен... бирозга киргандим, — деди ўзини йўқотиб, каловланиб қолган Муаззам, — мен китобингизни олиб келгандим... мана...

Шамси Салоҳ шундагина унинг қўлидаги китобга эътибор берди. У китобни уч кунча оддин берганди ва Муаззамнинг китобни ўқиб бўлганига сира ишонмасди. Лекин барибир кўнглининг бир четида хушнудлик уйғонди. «Барибир келди ва шундай бўлишини билардим», деб ўйлади. Сўнг ич-ичида бошқа, хавотирга ўхшаш ҳис пайдо бўлди. Муаззамнинг юзига синчковлик билан тикилди.

Муаззам худди бир уят ишнинг устидан чиқиб қолгандай, ўзини қандай тутишни билмас, унга тик қараёлмас, чиройли кўзларига ғам чўккан, тез-тез юриб келган бўлса керак, билинار-билинмас ҳансирараб, ботинмасдан турарди.

— Менда гапингиз борми? — деди у Муаззамнинг ёнига ўтиб.

— Йўқ... ҳеч қандай гапим... китобни беришга келувдим...

— Айтинг... нима гап? Бирор сизни хафа қилдими? — у шундай деб Муаззамнинг қўлини ушлади. Муаззам қўлини шартта тортиб олди-ю, унга ялт этиб қаради ва чўчинқираб орқага чекинди...

Шу пайт эшик силтаниб очилиб, ўттиз ёшлар атрофидаги қош-кўзи тимқора, хушбичим жувон кўринди; у Муаззамни кўриб, ажабланди, ҳайрон бўлиб Шамси Салоҳга қаради; лабининг бир четида истеҳзога ўхшашиб ифода ўйноқлаб ўтди, қошини чимирди. Иккиланди. Барибир ичкарига кирди. Бу хизмат кўрсаттан хонандалардан бўлиб, вазирликда келажаги бундан ҳам порлоқдиги тўғрисида миш-мислар юради. Ҳеч ярашмаган ҳолда бу жувонни Шамси Салоҳ билан «қандайдир сирли», «бошқаларникига ўхшамайдиган» муносабатлари бор деб пичир-пичир қилишарди. Жувонни кўриб Шамси Салоҳ қизариб кетди; талмовсиради, негадир оёғи куйган товуқдек типиричилаб қолди. Жувонни ўтиришга таклиф қилди; жувон у кўрсатган жойга ўтираркан Муаззамни бошдан-оёқ кузатиб чиқди-да, унинг камзулининг ёқасидаги каштали чирозга қараб қошини чимирди ва Шамси Салоҳга «динг зўр-ку» дегандай, сирли жилмайиб тикилди. Шамси Салоҳ оғзига калима келмагандай гезарип қолганди. У бир жувонга, бир Муаззамга қараб, гўё қайси бири афзаллигини солиштириб кўраётгандай безрайиб турар, гапирадиган гапи эсидан чиқиб қолган, бўғриқиб кетган эди. Муаззам ҳам ўзини ноқулай ҳис этди, чамаси. У қўлидаги китобни столга қўйди-ю, хонадан тез-тез чиқиб кета бошлади.

— Ўтирамайсизми? — Шамси Салоҳнинг товуши шундай ясама чиқдики, буни ўзи ҳам сезиб, баттар қизариб кетди.

— Йўқ... мен борай... — Муаззам унга қарамай жавоб берди ва эшикни шошиб очди. Эшик ёпилгач, жувон унга синовчан тикилиб, лаблари орасида ёйилиб кулди. Унинг кўзлари ҳам шўхчан порлаб турар, ўзини жуда эркин ва бамайлихотир тутар эди.

— Бу ким? — деб сўради у. — Анови бригадирнинг хотини эмасми?

— Ҳа, ҳа, ўша... китоб олгаңди... олиб келибди...

Шамси Салоҳ унга бир кўз ташладиу, баттар қизариб кетди. Жувон нимадир деб мингирилди ва қиқирлаб кулди. У Шамси Салоҳга худди ҳозиргина ўқиб чиқсан хатдай кибр билан боқиб туарди. Шамси Салоҳ унинг кўзларига қарамас, ниманидир ўйлаб, дे-разага тикилиб қолган эди.

Ўртага ноқулай жимлик чўқди.

— Бўлмаса мен ҳам борай, — деди жувон ўрнидан туаркан, — афтидан, жуда бандга ўхшайсиз.

У лабининг учини чўччайтириб, Шамси Салоҳга сирли тикилиб чиқиб кетди, чиқиб кетаётганда бу жувоннинг кўзлари сен ўзингни ўту чўқда уравер, барibir ажойиб кунларнинг бирида сен шоир яшайдиган ул кулбай вайронага мен мана шу қошим остидаги бир жуфт шамимни ёқиб қўяжакман деган ишонч билан бирам майнин чақнадики, афсус, буни Шамси Салоҳнинг ўзи сезмай қодди.

Шамси Салоҳ яна дараҳтзорга йўл олди, бироқ қоронғу тушгунча ўтиrsa ҳам Муаззамни чайла атро-фида кўрмади: чайла сув қўйгандай жимжит эди. Ота-кул ҳам кўринмас, фақат нарироқда сигир эринчоқлик билан бузогининг пешонасини яларди. Шамси Салоҳга чайлада кимдир бордай ва пиқиллаб йиглаб ёт-гандай туюлди; бироқ чайла олдига боришга журъат этолмади.

Шийпонга келиб, хонага кириши билан Исломид Али унга тўрт буклоғлик қофоз узатди ва тиржайиб қўйди.

— Бу нима?!

— Мактуб. Севгилингиздан.

Шамси Салоҳ унга еб қўйгудай тикилиб, қофозни шошиб очди... Хат Отакулдан эди.

Хат анча босиқлик ва Шамси Салоҳ кутмаган қатъият билан ёзилганди.

«Ҳурматли... га. Мен сизнинг ҳақингизда жуда кўп ўйладим. Билишимча, сиз Муаззамни мутлақо тушунмабсиз. Мен қайтариб айтаман, сиз уни билмайсиз. У ҳеч қачон баҳтсиз эмас ва ҳеч қачон сиз каби турмуш ҳақида, ҳаёт ҳақида эснаб гапирмайди. У қўшиқ айтишни яхши кўради. Буни мен ҳам биламан, лекин у ўзи ёқтиргмаган ишни қилишга ўрганмаган. Мен унинг ўзи билан гаплашдим, у бу ерларни ташлаб кетишга

ҳечам рози эмас. Биз, ҳар қалай, бир-биримизни ёқтириб турмуш қурғанмиз; мен қишлоқни ташлаб кетолмаганим каби у ҳам мени ташлаб кетолмайди. Мен уни тушунадиган ягона эркак эканлигимдан ҳамиша фахрланаман ва у ҳам мени тушунади, деб ўйлайман. Мабодо, гапларимга шубҳа қылсангиз унинг ўзи билан гаплашинг. Мен унчалик гапга уста эмасман ва умримда жуда кам китоб ўқиганман, лекин хатимнинг охирида сизга шуни айтмоқчиманки, сиз ҳали бу халқни билмас экансиз. У ҳомийликка муҳтож эмас... У сизнинг муруватингизсиз ҳам буюқдир...»

VIII

Куз тонги салқин ва хуш ҳаво бўлади; энди қуёшнинг тафти тонгти қировларнигина эритишга зўрга етади; субҳи-садикданоқ бу ерларни ташлаб кетаётган күшларнинг сайроги, қийқириқлари қулоққа чалинади; узоқ-узоқлардаги тоғларга лангар ташлаган аёз кўшинлари ҳали қуёш кезиб юрган чўлларга ва паҳтазорларга тажовузкор назар ташлайди, саҳар пайтлари эса кучи ва истеҳкомини билиб олмоқчи каби бу ерларга туманлар жосусона сирғалиб киради, қуёш чиқиши билан яна тоғлар орасига яширинади. Куз тонгидаги юрагингда паҳтазор каби сирли ва хатарли нимадир уйғонади, лекин у тўйғунинг отини сен ҳеч қачон тополмайсан, зотан, бу тўйғунинг оти ҳам бўлмайди.

Мана бир ҳафтаки, ҳашарчилар далаларга иссиқроқ кийиниб чиқишиади, шу сабабли нозик қоматли қизларнинг эгнидаги қишликлар уларни жуда қўпол қилиб кўрсатади. Шу нарсани ўzlари ҳам сезгандай иложи борича бежирим кийинишга ҳаракат қилишади, тушга яқинлашиб, паҳтазор ичра яна гўзал қоматлар ўzlарини сўниқ, қуёш чувофига кўз-кўз қила бошлиди; қуёш ҳам бу қоматларнинг қай бир еридандир ўз аксини ахтараётгандек, уларга сукли кўзларини тикканча осмон кўшкида тўхтаб-тўхтаб кезиб юради.

Муаззам қўшни картада эди; у рўмолини бошига танғиб олган, атрофидагилар билан иши йўқдай тез-тез эгилар, чанг ва хас-хусга ботган паҳтани қоқиб-қоқиб этагига соларди.

— Муazzам!

У пахтасини кўтарган жойда қайдандир қаршисида пайдо бўлиб қолган Шамси Салоҳга ҳайрон бўлиб қараб, этагини яна ерга қўйди ва уни худди энди кўриб тургандай чўчиб, ҳадиксираб тикилиб қолди. Теримчилар нариги пайкалга ўтаётгач, сал нарида икки контиба қиз уларга орқа ўтириб пардоз қилишарди.

— Муazzам, мен сизнинг олдингизга келдим: бoshимни эгиб келдим, — деди Шамси Салоҳ, ички бир изтироб билан. У гўё бу гапларни айта-айта чарчагандай эди, унинг гапларида илгариги жўшқинлик ва иштиёқ йўқ эди. — Кеча эрингиздан хат олдим; индамай кетаверишим мумкин эди. Лекин шундай қиссан ўзими бир умр кечира олмасдим. Муazzам — у барибир эрлигига борибди. Сиз учун кўпроқ мени айблайди, мана ўқиб кўринг.

Муazzам хатта қайрилиб ҳам қарамади. Иккаласини кузатаётган иккита ҳамқишлоқ аёлдан уялиб, пахтасининг устига ўтириб олди.

— Биламан, — деди бўғиқ товушда, — хатни ўқиб кўрганман.

— Муazzам?! — Шамси Салоҳ ўзини худди ажаблангандек кўрсатиб товушини азобли ва илтижоли оҳангта солди. — Наҳотки, шунча гапдан сўнг ҳам менга шуни раво кўрган бўлсангиз? Ахир ўзингиз айтган эдингиз-ку?!

— Ҳа, айтган эдим... — бирдан қўллари билан юзларини бекитиб олди Муazzам, — лекин мени эримдан, оиласдан ажратинг, эримни ҳақоратланг деб айтганим йўқ. Сизнинг гапларингизни кўп ўйладим; ўша пайти ҳаммаси тўғрига ўхшаган эди... Шарқ қизи... занжир... Шон-шавкат... энди ўйласам ҳаммаси тушга, етишиб бўлмайдиган нарсаларга ўхшайди; ўзингиз ўйланг, ахир ҳаёт, одам ҳақида ҳам ҳеч замонда шундай ўйлаб бўладими? Ё тавба қандай қилиб сизга дарров мени бу ердан олиб кетинг дея қолдим?! Уят, ҳозир ўйлаб уялиб кетаяпман...

Муazzам ундан ҳам атрофдаги фўзаларнинг шитирларидан ҳам уялаётгандай ердан кўз узмас, дуррачаси четида чиқиб турган бир тутам сочи пешонасига тушганини ҳам сезмасди. О, қанчалар сулув эди бу аёл! — гўё бу ерларга ўзининг ташрифи малҳам эканлигини сезгандай қароқчилар талаб кетган манзил каби мун-

ғайиб турган пахтазорда қишлоқ аёлининг қисматини ёпиниб, милкларига ёш қалқанча қуёшнинг ўзи ўти-рарди. Шамси Салоҳ унинг аъзои-бадани секин қалтираб кетганини кўриб қолди. Кейинчалик шу сонияни эслаб, кўзига муштипар, бечора бўлиб кўринган ушоқина аёлнинг номуси бунчалик кучлилигидан ҳайрон бўлган эди.

— ...Мен сизни яхши одамсиз деб, ўйлагандим, — Муazzамнинг лаблари пир-пир уча бошлади. Унинг ёноқларида қон тепарди — ҳозир унинг ёноғини кўрган ҳар қандай қип-қизил анор ҳам рашқдан тарс ёрилиб кетган бўларди. — Тўғри, бир пайтлар катта жойларда қўшиқ айтишни орзу қиласдим дегандим, лекин сизга эримнинг устидан кулинг деб айтмагандим... Мен аёлман, эрим қаерда бўлса, ўша ерда бўлишим керак...

Муazzам ниманидир ўйлаб жим қолди, унинг киприклирида тушки қуёшнинг тафтсиз нурлари ўйноқларди. Йўқ, йўқ, осмонда унинг киприклиридан тара-лаётган ёфдулар ўйноқларди. Шамси Салоҳ Муazzам бугун жуда ҳам бошқача эканлигини уни кўрган заҳотиёқ сезган эди, бироқ эрини худди ориятини ҳимоя қилаётгандай бунчалик кўр-кўrona ҳимоя қилишини ҳеч кутмаган, бу — Муazzам номли китобнинг янги варақлари эди.

— Сиз қийналяпман дедингиз... қўшиқ айтиш ягона орзум дедингиз... Мен эса сизни ўқитиш учун ҳамма нарсани гаплашиб қўйдим. Сиз фақат борсангиз бўлди — қўлингизни совуқ сувга урмайсиз, фақат овозингизни парвариш қилиш билан машғул бўласиз; ўқийсиз, ўрганасиз, энг муҳими — яхши, билимдон, дарди катта одамлар ичида бўласиз... Истиқболингиз ўз қўлингизда бўлади... Бу ерда овозингиздан ажralиб қолишингиз мумкин. Мен кўп мулоҳаза қилдим, — сизни қутқаришнинг ягона йўли шу экан — сиз кетишингиз керак, яхши, санъатни тушунадиган одамлар билан бирга бўлишингиз керак. Агар эрингиз бу ердан кетишни истамаса, сизнинг ҳеч қандай айбингиз йўқ, сиз ўз баҳтингизни излаб кетган бўласиз...

— Мен ҳеч қаёққа кетмайман, — деди Муazzам унинг гапларидан фashi келгандек, кесиб-кесиб, — мен қийин деб ўзимни эмас, барча қишлоқ аёлларини на-зарда тутгандим, лекин ҳеч қачон мен сизга баҳтсизман деб айтмаганман. Ҳа, менинг қўшиқчи бўлиш ягона

орзум эди, бироқ начора, мен эримнинг измидағи аёлман; унга бўйсунишм керак.

— Муazzам, кўзингизни очинг, ҳамма нарсани ақл билан ўлчанг, — Шамси Салоҳ азобланиб хитоб қилди, — сиз ўзингизга берилган истеъдодингизни қурбон қилишга ҳаққингиз йўқ! Бу нарсалардан устун туришингиз, ҳамма нарсани ақл билан ҳал қилишингиз керак. Наҳотки сиз ҳам бу аянчли турмушга ўзингизни ўз хоҳишингиз билан боғлаб берсангиз: кўзингизни очинг, Муazzам, атрофингизга боқинг, ҳаёт — зиндан эмас, унинг гўззаликларидан баҳраманд бўлинг. Сизни баҳт, шон-шараф, ҳаётнинг буюк неъматлари кутаяпди; ўз истиқболи учун курашган аёл гуноҳкор саналмайди. Бизнинг халқимизнинг, анави қишлоқдошлигинизни фожиаси шуки, улар баҳт билан баҳтсизликни фарқлай олмайди; уларнинг кўзи кўр, қулоги кар; улар ожиз, муте, заиф одамлар. Уй, рўзгор, болачақа ташвиши одамни юксак нарсаларни ўйлашдан чалғитади, ҳатто ҳар қандай туғма истеъдодни ҳам ҳалок қилиши мумкин. Бу икир-чикирлардан юксакда туриш, керак бўлганда рад этиш, ҳар қандай хонаки муҳаббатдан (у айнан «хонаки муҳаббат» деди, ҳатто ўзи топган бу сифатлашдан ичидагуурланиб ҳам қўйди) воз кечиш керак — санъатнинг бешафқат, лекин ягона шарти шу! Бу ерда эса — мана бу дала, мана бу пахта, мана бу чанг-ғубор, анави чайла, чивинлар, сассиқ сув, исқирт қозон, ҳар йили одди-кети ўйланмай — туғилаверадиган касалванд вачувринди болалар, жоҳил одамлар, таппилар, тезаклар орасида хор бўласиз. Бу ерда, на илму фанни, на санъатни, на қўшиқни тушунишади; ҳаммалари ота-боболаридан қолган катакларда итдай турмуш кечиришади. Бу ерда хору зор бўласиз. Яхши ва ўқимишли одамлар ичидаги сиз икки-уч йилда юлдуз бўлиб кетишингиз мумкин. Наҳотки буни фарқлай олмасангиз. Эрингиз худди мана шу нарсани тан олгиси келмаяпти... у ...

— Эримга тил теккизманг, — унинг гапини силтаб бўлди Муazzам ва тиззалири орасига юзини яширганча, пиқиллаб йиглаб юборди. — Унда ҳеч қандай гуноҳ йўқ: Сиз уни шунчалик ночорга чиқариб қўйибсизки, у худди мени баҳти қаро қилиб қўйгандек бўлиб юрибди, менга нуқул, майли, бор, ўқи, орзунгга ет, агар ростдан ҳам ниятинг шу бўлса, боравер, мен розиман,

деб ялинди. Мен ўзим кўнмадим. Мендан ростдан ҳам яхши қўшиқчи чиқиши мумкинди? Лекин...

— Биз ҳамма шароитни яратиб берамиз, — деди шошиб Шамси Салоҳ, товуши ялинганга ўшшаб чиққанидан ўзидан жаҳди чиқиб, хириллаб қолди. — Эрингиз ҳам борсин... ҳеч ким сизларни ажратиб қўймоқчи эмас... Афтидан, унинг ўзи боргиси келмаяпди...

— Боролмайди... Бу ердан кетолмайди, — Муаззам алам ва ҳўрлик аралаш пичирлади. — Уни мана шу одамлар ўқиттган, у уларни ташлаб кетолмайди, шахарда бир кун ҳам туролмайди... Шамситдин ака, — деди Муаззам бирдан унга ёшли кўзларини тикаркан, — сизга раҳмат, биламан, ҳаммасини мени деб қиласпиз: мен сизнинг бояги гапларингизга муносиб эмасман. Сиз тушунинг, мен ҳам орзуимга этишга ҳақлиман... лекин мен аёлман — қўшиқ айтишга овозим қанчалик боп бўлмасин, аввало эримнинг олдидағи бурчимни бажаришим керак. Мени кечиринг, сизни анча уринтирудим... Бизнинг ҳам елкамизга бир кун офтоб тегар, биз ўқимасак, болаларимиз ўқир, ҳар қалай, ҳамиша шундай қолоқ бўлиб қолмасмиз... Мени ҳам, эримни ҳам ўз ҳолимизга қўйинг, сиздан ўтиниб сўрайман. Бизга шундай, ҳамма қатори яшаш жуда ёқади... Агар қўлингиздан келса, шунчалик яхши одам бўлсангиз, ана қишлоғимизда қанчадан-қанча баҳти қаро аёллар бор, ўшаларга ёрдам беринг. Мен эмас, улар фирт бечоралар. Мен эмас, кўпроқ улар баҳтсиз. ўзлари ким, нима учун яшашпди, дунёда нима гаплар бўлаяпди — ўйлаб қўришга бир зум ҳам вақтлари йўқ. Эртадан-кечгача ўлиб-тирилишади, яна эртага болани қандай боқаман, деб бир умр қўрқиб яшашади, ўйлайвериб, эрта қариб қолишади: оиласини тебратишга кучи етмагач, эри шўрлик ароқقا ружу қўяди ёки бутун аламини хотинидан олади — шу ҳам яшами? Шу ҳам турмушми? Ахир ўзингиз айтинг, шу ҳолатда у сиз айтган санъат ёки қўшиқ ҳақда қандай ўйласин?! Бечоранинг ўсма қўйишга ҳам вақти йўқку?! Сиз менга эмас, шуларга ёрдам беринг... Уларга қараб туриб, менинг йифлагим келади, жуда-жуда йифлагим келади...

— Улар тўғрисида ўйлайдиган одамлар бор; мен амалдор ёки ҳаёт тарзини ўзgartиришга қодир даҳо эмасман. Мен ўзим қила олишим мумкин бўлган нар-

сани сизга таклиф қилган эдим... — Шамси Салоҳ, ўзининг жаҳди чиқаёттанини ҳис қилди. Бироқ, аччиғи ўзидан чиқаяпдими, ёки аёлнинг гаплариданми, би-
лолмади.

— Кўрдингизми, ҳатто сиз ҳам шу ерда одам аж-
ратяпсиз, — агар менинг баҳтимга сизга ёқиб қолган
овозим бўлмаганда, демак, менга ҳам уларнинг кунини
раво кўтар экансиз-да?! Бу алдамчилик-ку?! Эрим —
сизга бир нарсани фарқига бормайдиган, фаросатсиз
бўлиб кўринган эрим ҳеч қачон, мен майиб бўлиб
қолсам ҳам ташлаб кетмайди. Аёл киши учун шунинг
ўзи баҳт эмасми?! Наҳотки буни тушунмасангиз?!

У ўзини Шамси Салоҳга тескари ўтириди-ю, тит-
раб-титраб йифлай бошлади. Шамси Салоҳ бу тортин-
чоқ, содда деб билган жувоннинг шунча нарсани би-
лишига, билиб тоқат қилиб юришига ажабланди. У
Муаззамдан шундай гаплар чиқади деб кутмаганди.
Бу фикрлар ўзининг ростлигини исботлаб, унинг ву-
жудига тобора сингишиб борарди. У ич-ичида Муаз-
замнинг гапларини тан олаёттанини, ўзини оқдаш учун
жиндай ҳаракати ҳам бу саволлар қаршисида арзимас
нарса бўлиб чиқишини ҳис қилди; унинг кўнглида қиши-
лоқ ва бу одамлар ҳақдаги ҳукмлари бирдан бошқа
қиёфага кира бошлади. У ўзини тушумаган, тушу-
нолмаган келинчакни овутишни ҳам, овутмасликни ҳам
билмай иккиланиб турар, овутай деса, ўзининг гапла-
ри билан бу ҳасратли қалбга яна озор беришдан
кўрқар, жим турай деса аёлнинг ноўрин таъналарини
очиқ тан олган бўларди. У қаршисида турган илоҳани
оддий бир қишлоқи аёлга айлантираётган мўъжиза-
нинг сири нима эканини билмай бир зум тек қотди.
Шамси Салоҳнинг бу жувон ҳақидаги барча гўзал ха-
ёллари, орзулари уни ташлаб дафъатан қаёққадир учеб
кета бошлади; салдан кейин бу жувон ҳам анави пахта
териб юрган, ўзларининг баҳтсизликларини шаллақи-
лик билан яширадиган фаҳмсиз ва фаросатсиз, оғзи
сассиқ аёллардан бирига айланди, қолди. Ҳатто бу нар-
сани нега илгарироқ англамаганига ҳайрон бўлди. Унинг
қалбини уят, номус туйгулари чулғаб олди. Қўшиқ, ай-
таётган жувон қиёфасидаги ўзи излаган қўшиқ илоҳа-
си шу бир неча сонияда аёлни буткул ташлаб кетган
эди; у илоҳа ўрнида эрига кўр-кўронга меҳр кўйган,
ўзининг нотавон, баҳтиқаро эканлигини эслашдан ҳам

кўркиб, ҳўнг-ҳўнг йиғлаб ётган ожиз ва noctor аёл қолган эди. Шамси Салоҳнинг кўнглида яна бирдан тушкунлик байроқлари ҳилпирай бошлади.

— Кеча сизнинг олдингизга борищдан олдин ўғлимни кўргани бордим, — йиғлаган кўйи давом этди Муаззам, — уни кўриб бизнинг орамизда бўлиб ўтган гап-сўзлар қуруқ гап эканини англадим, юрагим сир-қираб кетди. Қайнонам усиз бир соат ҳам туролмайди... иккаласи худди эгизақдай, худди қайнонам ҳам ёш боладай... уларга қараб йиғлагим келди — сизнинг гапларингизни эслаб йиғлагим келди. Кеча сизга шуни айтмоқчи бўлиб борган эдим... Менинг илдизим шу ерда, шу одамлар орасида. Мен бошқа жойда кўкармайман. Ўйлаб-ўйлаб шу қарорга келдим, — бизни тинч қўйинг, мени деб бошқалар олдида уялган одам — ахир сиз кеча уядингиз-ку?! Тўғрими? Мен билан бирга ўтирганингиздан уядингиз! — мени деб уялган одам қандай қилиб орзуимга етиштириши мумкин? — Энди кетинг, одамлар қарайди... гап қилишади... Кетинг... бошқа учрашмайлик... кетинг!

Шамси Салоҳ қулоқларига ишонмаётгандек Muazзамга бақрайиб тикилди, йўқ, ажабланмаса ҳам бўларди, уни ҳайдашмоқда эди. — У озод ва саодатли қилмоқчи бўлган аёл уни ҳайдарди; ташвишлардан, азоблардан, тирикчиликнинг турли удумлари ва икир-чикирлардан, қийноқ ва саволлардан, мусибат ва аламлардан, ҳадик ва шубҳалардан иборат умрларининг нариги қирғоқлари томон адашиб, улоқиб, йиғлаб-сиқтаб ўзларига йўл очиб бораётган, шунча азоб-уқубатларнинг, хўрликлар ва ҳақоратларнинг ичида ҳам дунёнинг барча аёллари каби умид ва орзу билан яшаётган аёл қалби уни ҳайдаётган эди. Уни аёлнинг сирли қўргони ичкарига киритмади.

Бу аёлни эридан, туғилганидан бери яшаб келаётган, жоҳиллиги-ю, қолоқлиги билан бирга қадрдан бўлиб қолган одамлардан, ҳатто бир кесагигача оёғининг ҳиди ўрнашиб кетган бу далалардан нимага ишониб ажратиб олмоқчи бўлди? Нимага ишониб? Ўзининг ялтироқ, оҳангжамо сўзларигами? У кўзи олдида чўзилиб ётган бир неча кун олдин ўз-ўзидан йиғлаётган аёлга ўхшаттан бепоён дала билан бу йиғлаётган аёл ўртасида қандайдир, ўзи тушунмайдиган мутаносиблик борлигини ҳис этди; ўзининг қуруқ, ба-

ландпарвоз, пуч гаплари билан бу икки хилқатни яна ларзага солмаслик учун эгат бўйлаб, катта-катта қадамлар билан Муаззамдан узоқлаша бошлади.

IX

У сарғайиб қолган барглари дув тўкилаётган дарахтлар орасидан юриб борарди. Қуёш аллақачон ботган, уфқда қизил шафақ ёнарди. Оёқ остида чуркин новдалар қарс-қурс синар, боғда пахта ва губор ҳиди анқирди. Күшлар кечки нағмаларини бошлаган, бугунга аталган қўшиқларини тезроқ куйлаб тутатишмоқчилик, тинмай чуғурлашарди. Бир неча кун олдин беҳад баҳтиёр бўлган жойларда у ҳозир ўзини кулгили тарзда баҳтсиз деб ҳис қиласарди. Ҳали кузнинг ярми ҳам ўтмаган бўлса-да, боғ ичида ва боғга туташ майсазорда қарғалар тўда-тўда бўлиб изғиб юришарди ва ҳар-ҳар дамда нимадандир чўчишгандек талвасали қағиллаб қўйишарди. Салоҳнинг юраги бирдан орқага тортиб кетди, қарғалар фақат қабристондагина шундай ваҳимали қағиллашади. У қачонлардир кимнингдир инояти билан экилган гужум дараҳтининг тагидан ўтар экан, бўйнига нимадир чарс этиб тушди ва кўйлаги ичига сизиб кета бошлади. Шамси Салоҳ тепага қараб, шоҳда тумшуғини кўтариб, ўзига тикилиб турган қарғани кўрди. Қарға «хўш, қалайсан, оғайни?» деётгандай, икки-уч марта қаф-қаф этди-ю, нарига учиб кетди. Шамси Салоҳ рўмолчасини олиб, бўйнини артди, сўнг фижиниб, рўмолчани ҳам бир четга улоқтириди.

Майсазорга чиқаверишда қарғалар ундан ҳуркиб, қағиллаб осмонга кўтарилишиди ва сал наридаги очиқ майдонга бориб қўнишиди. Узоқда зовур бўйлаб учтўртта бола қишлоқ томонга сигир ҳайдаб борарди, майсазордан заҳ ва кўкат ҳиди келарди. Ичидан хўрсеникقا ўҳшаган нимадир тошиб келар, лекин бунинг хўрсиниқ эканини очиқ эътироф этгиси келмасди. Кўнгли бирдан музлаб қолгандай, вужуди қалтираб кетди; Муаззам ҳақидаги хаёллари ва орзулари қайгадир омонат күшлардек учиб кетган, ўрнини яна қандайдир тушуниксиз бўшлиқ эгаллаганди. У айланиб-айланиб тўсатдан Отакулнинг чайласи ёнидан чиқиб қолди. Уни тан олинмаган мағлублик бу ерларга бошлаб

келганди. У чайла олдида куймаланаётган Муаззамни кўрди-ю, бирдан тўхтади; оёқлари нохуш нарсани сез-гандай бўшашиб қолди, ўзини дараҳт панасига олиб, беихтиёр уни кузата бошлади. Муаззам эгилиб қозон тагини узоқ пуллади, кўзлари ачишди шекилли, ўрнидан туриб, уқалай бошлади, сўнг атрофдан хас-хус ва уч-тўртта тезак йиғиб келиб қозон тагига тиқди. Шамси Салоҳга бу нақадар аянчли бўлиб кўринди. Муаззам тиззалаб яна пуллади: бу марта қозоннинг таги лов этиб аланга олди. Пиёз ва бошқа масаллиқларни со-либ бўлгач, Муаззам чайла атрофига пақир билан сув сепа бошлади, ёғоч супага тўшак солди, кейин чайлага кириб пақир кўтариб чиқди ва қовун палагида арқон-лаб қўйилган сигир томон кетди. Муаззам сигир со-ғаётган жойдан Шамси Салоҳгача мунис ва дилгир бир оҳанг оқиб келди-ю, уни бирдан ларзага солди. У яна қўшиқни биринчи марта эшитган ҳолатига қайтди, оҳанг унинг хаёлларини тортқилаб-тортқилаб бо-лалик кўчалари томон олиб кетди. Муаззам қўшиқ айтиб, сигирни ийдирар, маҳзун ва алланечук орзу-манд бир қўшиқ куйлаётганидан ҳам ва унинг қўшифи дараҳтзорга яшириниб ўзини кузатаётган, санъатни юксак даражада тушунадиган ва ўзини шу қўшифи учун чинакам саодат ва шон-шавкат ўлкасига етаклаб бормоқчи бўлган бир одамни ёндириб, кул қилаётга-нидан ҳам бехабар эди. У шунчаки, ота-боболари си-гир соғаётганда айтадиган ва унга ҳам шундай деб ўргатишган қўшиқни худди ота-боболари ўргатгандек айтар ва бу ерда ҳеч қандай ғайритабий нарсани кўрмас, зеро, бу унинг ҳар кунги қўшифи эди. Шамол унинг қўшигини гоҳ юзига тарсаки туширгандай Шам-си Салоҳнинг қулоқларига олиб келиб урар, гоҳ бу азалий ва муқаддас оҳангларни унга бергиси келмаёт-гандек, шудгорлаб ташланган жўхоризор узра узоқ-узоқларга олиб қочиб кетарди. Чўкаётган тун, қизар-ган шафақ, чуралай айтиб, сигир соғаётган сулув аёл, дала узра югуриб юрган кузги шабада... булар ҳамма-си нақадар уйғун, нақадар гўзал ва бетакрор эдики, Шамси Салоҳ ўзини бу нарсаларга ёт, бегона эканини ҳис қилди. Унинг кўнглида иштиёқ, муҳиблик, ҳайрат дарчалари очилиб кетган, бироқ бу манзаралар унга омонат эди; бу куй, бу қўшиқ, бу манзара уники эмас эди.

Шамси Салоҳнинг оёқлари тагида чигирткалар чириллай бошлади. Дала узра туннинг хира пардаси тортилди: Муаззам қозон бошига келиб, овқат тузини кўргач, елкасида бир боф ўт кўтариб келаётган Отақулни кўриб, чойидишга сув солди-да, ичкаридан сочиқ олиб чиқди. Отақул ўтни чайла орқасига ташлаб, уст-бошини қоқди, сўнг дўпписини супага қўйиб, ярим яланғоч ечинди ва Муаззам қўйиб турган сувга пишқириб ювина бошлади. Муаззам ҳар доим тегажоқлик қилиб, сувни унинг орқасига қўйиб юборар, ўзи нари қочиб қоларди. Отақул қўллари билан пўписа қилар ва уни ушлаб олмоқчилик қулоchlарини кенг очар, Муаззам эса сув сепиб ўзини ҳимоя қиларди. Бу манзаралар Шамси Салоҳга қанчалик оғир, унинг тасаввурига қанчалик зид бўлмасин, алланечук табийӣ, содда ва гўзал эди, у бу манзарани охиригача кузатишга ўзида куч тополмади; ичидаги хўрсиниқ пориллаб тошиб кела бошлади: бўғзи ачишди, кўксини нимадир тилимлаб ўтди. «Сиз бу халқни билмайсиз. У сизнинг ҳомийлигингизга муҳтож эмас. У сизнинг мурувватингизсиз ҳам буюқдир», деб такрорлади ичида. Шунда бирдан Отақулнинг дағал, қўпол, йирик қўллари кўз олдига келди-ю, оппоқ, кичкина, майнин қўлларини уялиб чўнтагига яширди. «Сиз бу халқни билмайсиз», такрорлади ичида яна. У изига буриларкан, Муаззамнинг қувноқ ва жарангдор кулгусини эшишиб, сесканиб тушди; бу кулгуга дош беролмай бутун вужуди жаранглаб синиб парча-парча бўлиб кетганга ўҳшади; бу кулгу ғолиб ва баҳтиёр эди; ўзининг табиийлиги ва самимийлиги билан Шамси Салоҳни батамом тор-мор қилиб ташлаганди. У бу кулгуни бошқа эшитмаслик учун тун шарпадай ўрмалаб кирган дарахтзор ичидаги ёлғизоёқ йўлак бўйлаб юриб кетди.

«Муаззам, мен сенинг содда қалбингнинг тепишлирини, сенинг хаёл ва орзуларингни иркит бўёқларимда акс эттира олдимми, билмайман, мен чизган суратга қараб, сени бирон киши севиб қолармикин ва сени мен ҳис этганчалик тушунармикан, буни ҳам билмайман, мен фақат сенга шуни айта оламанки, кеч куз кунларининг бирида, мезонлар сенинг туйғуларинг каби тўзғиб учган кунда сени қамиш чайла олдида учратган эдим ва сени — менинг тўпори, содда, эрка фурурим-

ни пойтахтлик машҳур шоирнинг ширинашкан ва улуг-вор каломларига алмашмадим, алмаша олмадим, сени ийғлатдиму, сени унинг олдида бир неча сония ганги-тиб қўйдиму лекин у жимжимага сени алмашмадим, менинг номусим ҳам, менинг орим ҳам шунда, менинг фурурим ҳам, менинг фахрим ҳам шунда. Мана энди сен билан абадий хайрлашиб вақти келди, сени қанчалик севмайин, сенинг номинг менга қанчалик саодат баҳш этмасин, мен ҳам кеч куз оқшомининг бирида сени шу пахтазор қўйнига ташлаб кетишга мажбурман, чунки мен ҳам сенга, сенинг қўшиқларингга муносиб эмасман ва бизнинг қалбимиз абадий дайдилкка ва сарсону саргардонликка мустаҳиқдир. Биз сенинг қалбингни тушунолмадик, сенинг инсон ва баҳт ҳақидаги орзуларингни англай олмадик, биз сенинг ота-боболарингдан мерос қолган тушунчаларингга ўзимизнинг баландпарвоз тушунчаларимизни тиқишири-дик, сенга азоб бердик. Биз оддийгина ҳақиқатни — боғ кўркам ва сўлим бўлиши учун ундаги қандайдир дарахтни эмас, бутун боғни ўзгартиш кераклигини жуда кеч тушундик. Сенга озордан бошқа ҳеч нарса бермаган ва беролмайдиган мени ва ул машҳур шоирни бошқа эслама...»

Н.Э.